

摘藻堂四庫全書薈要

子部

欽定四庫全書薈要

子部

御定淵鑑類函卷一百六十二

三

欽定四庫全書薈要卷一萬一千六百十

子部

御定淵鑑類函卷一百六十二

禮儀部九 祭祀總載

祭祀總載一

周易曰風行水上渙先王以享於帝立廟 原尚書

大傳曰祭之為言察也察者至也言人事至於神也

爾雅曰春祭曰祠祠之言食也夏祭曰禘新菜可為秋
祭曰嘗嘗新穀也冬祭曰烝烝進也進品物祭天曰燔

柴既祭積薪焚之祭地曰瘞埋既祭埋藏之祭山曰廋

軌音懸或廋或懸置之於山祭水曰沈浮投祭水中或浮

或沈祭星曰布布散於地祭風曰磔今俗當大道中磔

狗云以止風此其遺也是類是禡莫駕反師祭也類于

出詩雅

上帝禡于所征之地既伯既禱馬祭也伯馬祖也將用

馬力必先祭其祖也 增又曰禘大祭也繹又祭也周

曰繹商曰彤夏曰復胙 原說文曰除惡之祭曰祓會

福之祭曰禴會告事求福曰禱道上之祭曰禘陽潔意

以享曰禋以事類祭神曰禋祭司命曰祫俾利切祭豕先

曰禮

似勞切

月祭曰禘

子內切

增尚書曰肆類於上帝禋

於六宗

一四時二日三月四星五寒暑六水旱

望於山川徧於羣神又

曰咨四岳有能典朕三禮

天神地祇人鬼之禮

僉曰伯夷帝曰俞

咨伯汝作秩宗夙夜惟寅直哉惟清原又曰自成湯

至於帝乙罔不明德卹祀孔安國傳云自帝乙以上無

不顯用有德憂念齋敬奉其祭祀言能保其宗廟社稷

也增又曰八政三曰祀孔安國傳云祀者所以昭孝

事祖通乎神明者也 又曰王肇稱殷禮祀於新邑咸

秩無文孔安國傳云以祀典祀於新邑皆次秩不在禮

文者而祀之 又曰宗伯掌邦禮治神人

天神地祇人

和上

下 周禮曰天官冢宰以八則治都鄙一曰祭祀以馭

其神以九式均節財用一曰祭祀之式 原又曰凡庶

人不畜者祭無牲不耕者祭無盛 又曰大宗伯之職

掌以吉禮事邦國之鬼神示以禋祀祀昊天上帝以實

柴祀日月星辰以禋燎祀司中司命觐師雨師以血祭

祭社稷五祀五嶽以貍沈祭山林川澤以鴈辜祭四方
百物 又曰凡祭祀賓客之裸事和鬱鬯以實彝而陳
之鄭注曰築鬱金煮之和鬯酒也鬱為草若蘭 又曰
凡陽祀用騂牲毛之陰祀用黝牲毛之鄭注云騂牲色
赤毛之取純毛也陽祀祭天於南郊及宗廟陰祀祭地
於北郊及社稷也黝讀為幽黑也 又曰取蕭祭脂取
羝以韋鄭箋云言后稷即為郊祀之酒及其米取蕭草
與祭牲之脂熬之於行神之位馨香既聞取羝羊之體

以祭神也 又曰以享以祀以介景福 禮檀弓曰朝
奠日出夕奠逮日注云陰陽交接庶幾遇之 又禮器
曰室事交乎戶堂事交乎階注室事謂正祭之時事戶
在室故云室事交乎戶外人將饌至戶內人於戶受饌
設於戶前相交承接在於戶也堂事交乎階者謂正祭
之後儋尸之時尸於堂故曰堂事交乎階謂堂下之人
送饌至階堂上之人在階受取是交乎階也 又郊特
牲曰縮酌用茅明酌也鄭注云謂泔醴齊以明酌也明

酌者事酒之上也名曰明者事酒今之醕酒皆新成也
又王制曰祭豐年不奢凶年不儉 又祭義曰祭不
欲數數則煩煩則不敬祭不欲䟽䟽則怠怠則忘是故
君子合諸天道春禘秋嘗樂以迎來哀以送往 月令
曰孟春之月其祀戶祭先脾孟夏之月其祀竈祭先肺
中央土其祀中霤祭先心孟秋之月其祀門祭先肝孟
冬之月其祀行祭先腎 曲禮曰天子祭天地祭四方
祭山川祭五祀歲徧諸侯方祀祭山川祭五祀歲徧大

夫祭五祀歲徧士祭其先

祭四方謂祭五官之神於四郊也勾芒在東祝融后土在

南蓐收在西

玄冥在北

又祭法王立七祀曰司命曰中雷曰國

門曰國行曰泰厲曰戶曰竈諸侯五祀曰司命曰中雷

曰國門曰國行曰公厲大夫三祀曰族厲曰門曰行士

二祀曰門曰行庶人一祀或立戶或立竈 又曰聖人

之制祭祀也法施於民則祀之以死勤事則祀之以勞

定國則祀之能禦大災則祀之能捍大患則祀之及夫

日月星辰民所瞻仰也山林川谷丘陵民所取材用也

非此族也不在祀典 增又曰燔柴於泰壇祭天也瘞
埋於泰折祭地也用騂犢埋少牢於泰昭祭時也相近
於坎壇祭寒暑也王宮祭日也夜明祭月也幽宗祭星
也雩宗祭水旱也四坎壇祭四方也 原左傳曰祀有
執膳戎有受脰注云膳祭肉以賜諸侯者也 增又曰
夫民神之主也是以聖王先成民而後致力於神故奉
牲以告曰博碩肥腍謂民力之普存也謂其畜之碩大
繁滋也謂其不疾癘蠱也謂其備腍咸有也奉盛以告

曰潔粢豐盛謂其三時不害而民和年豐也奉酒醴以告曰嘉栗旨酒謂其上下皆有嘉德而無違心也所謂馨香無譏慝也故務其三時脩其五教親其九族以致其禋祀於是乎民和而神降之福 國語曰夫神以精明臨民者也故求備物不求豐大是故先王之祀也以一純二精三牲四時五色六律七事八種九祭十日十二辰以致之百姓千品萬官億醜兆民經八畎數以奉之明德以昭之龢聲以聽之以告徧至則無不受休

又曰祀所以昭孝息民撫國家定百姓也天子徧祀羣
神品物諸侯祀天地三辰及其土之山川卿大夫祀其
禮禮謂五祀及祖所自出也士庶人不過其祖原穀梁傳曰祭者

薦其時也薦其敬也薦其義也非享味也家語曰魯

公索氏將祭而亡其下牲孔子聞之曰公索氏不及二
年必亡矣後一年而亡孔叢子曰元和二年春孝章

皇帝東巡狩還魯幸闕里以太牢祀孔子及七十弟子
作六代之樂大會孔氏男子二十以上者六十三人講

論經義 增漢舊儀曰先王之法追祭天地日月星辰山川萬神皆古之人也能紀天地五行二氣奉其功以成人者也故其奉祀皆以人事之禮食之所食也非祭食與土地金木水火石也又祭三皇五帝九皇六十四氏皆古帝王凡八十一姓 原王充論衡凡祭祀之義有二一曰報功二曰脩先報功以勉力脩先以崇恩也 桓譚新論曰昔楚靈王驕逸輕下簡賢務鬼信巫祝之道齋戒潔鮮以祀上帝羣神躬執羽帔起舞壇前吳

人來攻其國人告急而靈王鼓舞自若顧應之曰寡人方祭上帝樂明神當蒙福佑焉不敢赴救而吳兵遂至俘獲其太子及后姬以下

越絕書曰越王既往平吳

春祭三江秋祭五湖因以其時為之立祠垂之末世傳之萬載漢書武帝紀曰太初元年十二月帝東臨渤海望祀蓬萊又郊祀志曰祀八神一曰天主祠天齊

二曰地主祠太山梁父三曰兵主祠蚩尤四曰陰主祠三山五曰陽主祠之杲六曰月主祠之萊山七曰日主

祠盛山八曰四時主祠琅邪皆各用牢具祠而巫祝所
損益圭幣雜異焉 幽明錄曰廟方四大不作墉壁道

廣五尺夾樹蘭香齋者煮以沐浴然後親祭所謂沐蘭

湯 增唐六典曰禮部尚書侍郎之職掌天下禮儀祠

祭 又曰禮部郎中掌五禮之儀一曰吉禮其儀五十

有五 自冬至祀圜丘至王公以下拜掃止 又曰祠部掌祠祀享祭之事

凡祭祀之名有四一曰祀天神二曰祭地祇三曰享人

鬼四曰釋奠於先聖先師其差有三若昊天上帝五方

帝皇地祇神州宗廟為大祀日月星辰社稷先代帝王

岳鎮海瀆帝社先蠶孔宣父齊太公諸太子廟為中祀

司中司命風師雨師衆星山林川澤五龍祠等及州縣

社稷釋奠為小祀 玉海曰唐舊制每歲大中小祀凡

七十九祭四十五祭皆定日著於祀典三十四祭不定

日辰大卜擇日正月十二祭自祈穀園丘至九宮貴神二月十祭自

奠文宣王至自祀赤帝至四月十祭自祀赤帝至五月四祭自皇地

惠昭太子廟自祀赤帝至五月四祭自皇地

子六月四祭自祀黃帝至廣德王七月八祭自祭白帝至饗太廟八月七祭

自釋奠至太子廟

九月二祭

饗明堂告憲宗

十月十祭

自祀黑帝至神州地祇

十

一月六祭

自祀天園丘至太子廟

十二月六祭

自蜡祭至祭西水井

玉海

曰唐志五禮一曰吉禮天子親祠者二十有四三歲一

祫五歲一禘當其歲則舉其餘二十有二歲之間不

能遍舉則有司攝事其非常祀者有時而行之皇后太

子歲行事者各一餘皆有司行事凡歲之常祀二十有

二冬至祈穀至享先農大祀中祀無常日者卜小祀則

筮皆於太廟

會要曰天寶三載置九宮壇

東南曰招搖正東曰

軒轅東北曰太陰正南曰太一中央曰天符正北
曰太乙西南曰攝提正西曰咸池西北曰青龍

又

詔曰漢禱八神晉祠六宗惟九宮神實司水旱 玉海
曰王璵傳玄宗廣脩祠祭璵請築壇東郊祀青帝肅宗
乾元二年入相乃奏置太一壇勸帝身見九宮祠又紀
天寶三載祠九宮貴神於東郊 白帖曰白居易議祭
祀之義大率有三禋於天地所以示人報本也祠於聖
賢所以訓人崇德也享於祖考所以教人追孝也三者
行於天下則萬人順百神和此先王所以重祭祀也

宋史禮志曰五禮之序以吉禮為首主邦國神祇祭祀之事凡祀典皆領於太常歲之大祀三十中祀九小祀九後增大祀為四十二焉其後神宗改定通舊祀凡九十二元豐中詳定祭祀總百九十一卷曰祀儀曰南郊式曰大禮式曰郊廟奉祀禮文曰明堂祫享令式曰大興殿儀曰四孟朝獻儀曰景靈宮供奉勅令格式曰儀禮勅令格式祈禳總四十卷曰祀賽式曰齋醮式曰金錄儀典禮脩於元豐而成於元祐至崇寧復有所

增損其存於有司者惟元豐郊廟禮文及政和五禮新儀而已乃若園丘之罷合祭天地明堂崇以英宗配悉罷從祀羣臣大蜡分四郊壽星改祀老人僖祖已祧而復遂為始祖即景靈宮建諸神御殿以四孟薦享虛禘祭去牙盤食此熙寧元豐變禮之最大者也 建炎中命禮部太常裁定每歲以立春上辛祈穀孟夏雩雨季冬及冬至日四祀天夏至日一祀地立春上辛日祀感生帝立冬後祀神州地祇春秋二社及臘前一日祭大

社大稷 玉海曰中興祀典冬至圜丘夏至皇地祇太祖

配孟春祈穀孟夏雩祀神州地祇並太季秋明堂淳熙十六

年改高 感生帝僖祖配己上高禘青帝配以朝日大明夕

月夜明九宮貴人熒惑商丘宣大社大稷土正出火納火

祀大辰宣明王配蜡祭東蜡大明配以神農后稷西蜡夜明

配以稷五方岳瀆無配四海四瀆無配風雨雷師無配先農神農后稷

配先蠶無配至聖文宣王兗鄒公配昭烈武成王留侯配等十三

祭皆為中祀二十七年五月辛卯臣僚建請復為大祀

遼史曰唐十二和樂遼初用之豫和祀天神順和祭

地祇永和享宗廟肅和登歌奠玉帛雍和入俎接神壽

和酌獻飲神

餘別用

儀衛志遼國以祭山為大禮服飾尤

盛

大祀皇帝服金文金冠白綾袍紅帶懸魚三山紅垂飾犀玉刀錯絡縫烏鞞小祀皇帝硬帽紅克絲龜文

袍皇后戴紅帕絡縫紅袍懸玉佩雙同心帕絡縫烏鞞

天贊三年八月乙酉至烏爾

古山以鶩祭天甲午次古單于國祭阿勒坦音德爾山

以麋兔祭九月庚子拜日於蹕林是月破呼穆蘇山諸

蕃部次伊德實以赤牛青馬祭天地

續文獻通考曰

金章宗太和元年勅改原廟春秋祭祀稱朝獻 金史

志曰常以冬至日合祀昊天上帝皇地祇於圜丘夏至

日祭皇地祇於方丘春分朝日於東郊秋分夕月於西

郊 元史志曰祭祀之儀天子親遣使致祭者三曰社

稷曰先農曰宣聖而岳鎮海瀆使者奉璽書即其處行

事稱代 其有司常祠者五曰社稷曰宣聖曰三皇曰

岳鎮海瀆曰風師雨師其非通祀者五曰武成王曰古

帝王廟曰周公廟曰名山大川忠臣義士之祠曰功臣

之祠 元文類禮典世祖立國建元考古昔之制而製

服焉冕舄之制祭祀則用之 圖書編高皇帝御製合

祭天地樂章 大明會典祠祭清吏司郎中員外郎主

事分掌郊廟羣祀之典 祭祀通例國初以郊廟社稷

先農俱為大祀後改先農及山川帝王孔子旗纛為中

祀諸神為小祀嘉靖中以朝日夕月天神地祇為中祀

凡郊廟社稷山川諸神俱天子親祠國有大事則遣官

祭告若先農旗纛五祀城隍京倉馬祖先賢功臣皆遣

官致祭惟帝王陵寢及孔子廟則傳制特遣各王國及有司俱有祀典而王府祀典具在儀司洪武初天下郡縣皆祭三皇後罷止令有司各立壇廟祭社稷風雷雲雨山川城隍孔子旗纛及厲庶人祭里社鄉屬及祖父母父母并得祀竈餘俱禁止 又儀制司王國祀典洪武六年定王國宮城外立宗廟社稷等壇又定凡祭五祀八編類纂國朝既於方丘以岳鎮海瀆天下山川從祀復於春秋清明霜降日遣官專祭岳鎮海瀆天下

山川於國城之南而以京師及天下城隍附祭焉若夫
山川之在王國城隍之在郡縣者則自以時致祭八
編類纂城隍自三國以來因事而祭其立祠則見於唐
李德裕之在成都宋以來天下通祀洪武元年令郡縣
各立山川壇制與社稷同

祭祀總載二

原薦敬

報功

上詳祭祀一百辟自卿以下

許慎五經異義公侯祭

先有功德於人者故報祭之

駢牡

黜牲

毛詩祭以清酒從以駢牡享於祖考下詳祭

一祀 七祀 五祭 上有詳祭祀一 素准正論國之大祭

節也 報德 崇恩 並詳祭祀一 鬱酒 蘭湯 並詳祭祀一 六

變 九成 周禮司樂孤竹之管雲和之琴瑟雲門之舞

神皆降可得而禮矣 尚 禮地 賓河 周禮以玉作

書簫韶九成鳳凰來儀 地四方以蒼璧禮天以黃琮禮地以青珪禮東方以赤

璋禮南方以白琥禮西方以元璜禮北方 竹書紀年

后荒壬申即位元年以元 彩壇 紺席 上詳祭祀一

帝自行羣臣從齋皆百日祭天紫壇帷 宜社 類帝

禮記天子將出征宜於社鄭元注 三望 六宗 左傳

云宜祭名也 尚書肆類於上帝 僖公

三十一年四卜郊不從乃免牲猶三望下詳祭祀一

受釐

致福

漢書賈誼傳文帝思

誼徵之至入見上方受釐坐宣室蘇林注曰未央前正室周禮都宗人掌都宗祀之禮凡都祭祀致福於國

增六成

唐六典凡祭昊天上帝及五帝大明夜明之樂皆六成

享宗廟之樂九成其餘祭祀三成而已

三祀

唐六典廩犧令凡三祀之牲牢各有名數

假

寧

唐六典吏部郎中內外官更有假寧之節私家祔廟給假二日四時祭各四日

磔雄

唐六典季

冬大雊雊者既出乃磔雄於宮門及城之四門以祭焉

七獻

禮禮器一獻質三獻文五獻察七獻

神

九奠

文獻通考程子曰祭法中用九奠以禮有九獻樂有九奏也

拜天

元史郊祀

志元興朔漢代有拜天之禮衣冠尚質祭器尚純帝后親之宗戚助祭

用日

禮郊特牲日用甲用

日之始也

冰室

玉海王涇郊祀錄季冬藏仲春開並黑牡秬黍祭於冰室

燎壇

玉海古者

祀天地日月神示皆有燎壇以行事

四立

宋志以立春祭戶司命立夏祭竈季夏土王日祭中雷立

秋祭門及厲立冬祭司命及行

四郊

宋志大蜡分四郊

三祭

元文類彙集孝思亭記凡

有國有家者必有寢有廟廟所以祭而墓非祭所也有廟者必有主主之始立也三祭以虞之歸必奉諸其廟

歲時祀之曰是神明之所依也

六神

月令廣義魏泰靜議風伯雨師靈星先農社稷為國六神

祀鼎

宋志崇寧中以每歲祀鼎常典付有司行之

祭旗

遼聖宗紀六年九月癸卯祭旗鼓

禋祭

南齊志三月水會禋祭也

巡祭

宋志帝之巡祭也往還四十七日未嘗遇雨雪

解凍

太平御覽漢舊儀十月涸凍二月解凍皆祭祀

司寒

玉海唐小祀

臠臘

月令

廣義臘取禽獸以祭
以立秋臘以十二月

祭薦

月令廣義何休云有牲曰祭無牲曰薦

祭虎

太平御覽魏志藏南國常用十月祭祀畫夜飲酒歌舞名之為舞天又祭虎以為神

祭蝗

文獻通考宋太祖建隆二年懷濮曹絳等州蝗命長吏以牢禮祭之

祭酒

漢宣帝以蘇武著節老臣

令朝朔望號稱祭酒注祭祀時惟尊長者以酒沃酌又曰禮飲酒必祭示有先也故稱祭酒尊之也

祭

詩

月令廣義賈島歲除取一年所得詩陳列以酒脯祭之曰勞吾精神以此補之

軀腰

月令廣義

祭祀志軀腰以立秋日

祀井

月令廣義太常記十月一日祀井

焚玉帛

唐六典太

祝凡祭天及日月星辰之玉帛則焚之祭地及社稷山岳則瘞之海瀆則沉之

實簋簋

唐六典大

官令凡祭之日進饌者實簋簋設於饌幕之內

奉制書

柳宗元監祭使壁記將有事則祠部上其

日吏部上其官奉制書以來告

用雅樂

元史禮樂志其於祭祀率用雅樂朝會燕饗則用燕樂

祠雎上

彙苑詳註漢武帝元符二年祠后土於雎上

祀汾陰

宋志真宗承重熙之

後契丹通好天下無事於是封泰山祀汾陰

祠潢河

遼史穆宗紀十二年六月甲午祀木葉山

及潢

祀黑山

遼史穆宗紀十年以脯祀天地於黑山

祀方明

月令廣義太甲

以冬至越

祀直沽

大明會典嘉靖三十九年景王之國沿途告祀直沽天妃之神淮河

之神楊子江之神小孤山之神漢江之神

原以享以祀

是類是禡

並詳祭祀

增齋有七名

唐六典齋有七名一曰金籙大齋二曰黃籙齋三曰明真齋四曰三元齋

五曰八節齋六曰塗炭齋七曰自然齋

禳復三事

唐六典禳謝復三事一曰章二曰醮三曰

理沙 八署分理 唐六典太常卿掌郊廟社稷之事以八署分而理焉一郊社二太廟三諸陵四

太樂五鼓吹六太 醫七太卜八廩犧 四院分貯 又太常卿凡備大享之器服有四院各以其物

而分貯焉一天府院二御衣院三樂縣院四神厨院 尚赤尚彩 唐六典凡樂器之飾天地之神

尚赤宗廟及 殿廷尚彩 用石用玉 唐六典凡磬天地之神用石宗廟及殿廷用玉 祭

酒御容 續文獻通考遼聖宗統和四年十一月日南至上率羣臣祭酒於景宗御容 飲酎

宗廟 太平御覽漢舊儀宗廟八月飲酎用九太牢元年祭天二年祭地三年祭五帝於五時三歲一辨皇

帝自行他 大祠中祠 南部新書貞元中太常奏每祠不出年大中小祠共七十七祭

五等三等 山堂肆考宋太祖於歷代帝王制為五等之享歷代忠臣義士品為三等之制 權

置太僕

唐六典漢書太僕秦官晉成帝省併宗正宋因晉不置如祀則權置太僕執轡事畢省

時登王府

柳宗元監察使壁記居常則飭四方祀貢之物時登於王府

上宰嚴祀

孔帖韓愈詩上宰嚴祀事清塗振華鑣

太祝正辭

孔帖李白賦享於神靈太祝正辭庶官精

誠

淳熙祭式

玉海淳熙編類祭祀儀式一卷淳熙六年禮寺編定又一卷載州縣釋奠祈報

社稷祀風雨雷師制度六年所頒

崇寧祀儀

熙寧十年正月庚申太常禮院言以慶歷五年

以後祠祭沿革參酌編脩成祀儀三卷詔行之元豐復命編脩元祐書成崇寧重加討論名崇寧祀儀

進祀禮圖

八編類纂世宗肇舉禋祀大典輔臣因進祀禮圖考通叙分合沿革之由壇壝陳設之畧

次列儀注樂章之繁繪之圖畫繕寫成冊

正祀典疏

續文獻通考嘉靖初倪岳在禮部上正祀

典疏

祀辰戌月

宋志紹興三年復大火祀以辰戌出納之月祀之

祠戌丑地

山堂肆考郊祀志以丙戌日祠風伯於戌地以己丑日祠雨師於丑地

前期十日

宋史崇寧

親祀方澤作明堂立九廟祀熒惑大觀受八寶大祀皆前期十日而戒

距封十里

玉海管子

黃帝問伯高對曰山見其榮者封而祭之距封十里為一壇

祠燕支山

楊炎大唐燕支山神

寧濟公祠堂碑西北之巨鎮曰燕支維唐之三載封禪為寧濟公築靈祠於高麓之陽每歲盛秋率封內以望之索羣祠枌榆社

後漢紀章帝章和元年八月己丑遣使祠沛高原廟豐枌榆社

習儀青城

宋志南郊習儀青城明堂習儀於尚書省

揭燈黃峴

宋志真宗封禪

泰山自太平頂黃天門黃峴嶺岱岳觀各豎長竿揭龍燈下照以相參候

太常為亞獻六

典太常卿掌郊廟社稷之事凡國有大禮則贊相禮儀有司攝事則為之亞獻

光祿為終獻

又曰光祿卿君三公攝祭則為之終獻

太祝奉巾帨

又曰凡國有大祭祀盥則奉匱既盥

則奉巾帨

大樂調鐘律

見前

令郡王攝事

文獻通考開元二十七年太廟

五享於宗子及嗣郡王中揀有德望者令攝三公行事其異姓官更不差攝

以御史監祠

玉海柳宗元曰周禮祭僕視祭祀百官之戒具知其不敬者漢以待御史監祠大祠中祠以御史監祀曰監祭

使寶元中更號祠祭使俄復初

王涇郊祀錄

唐志貞元中太常禮院脩撰王涇考次歷代郊

廟沿革之制及其工歌祝號而圖其壇屋陟降之制為郊祀錄十卷

彥博明堂記

宋志

中文彥博進大享明堂記三十卷

明堂藉田祫享謝式

玉海熙寧七年七月乙巳

沈括言奉詔編脩明堂藉田祫享恭謝式今止脩明堂祫享二禮從之

慶歷熙寧元祐

祀儀

慶歷四年正月辛卯太常禮院上新脩太常新禮四十卷慶歷祀儀六十三卷

脩祀於

太廟西門之內

卜日於太廟南門之外

祭祀總載三

原教敬

周禮大司徒職一曰以祀教敬則民不苟

致嚴

孝經祭則致其嚴鄭注齋戒沐浴明

發不寐

奉禮

祭統祭者非物自外至者也自中出生於心也心惕而奉之以禮是故惟賢者能盡

祭之義

致誠

又云賢者之祭也致其誠信與其忠敬奉之以物道之以禮安之以樂參之以時明

薦之而已矣不求其為此孝子之心也

從約

盧湛云凡臨祭坐以蒲薦青布練纒其事從約也

得宜

禮稽命徵天子祭天地宗廟六宗五岳得其宜則五穀豐雷雨時至四夷貢物

受福

祭統賢者之祭也必受其福非世所謂福也福者備也備者百順之名也無所不順者之謂備言內盡於已而

外順於道也忠臣以事其君孝子以事其親其本主也鄭注曰賢者之所謂福者受大順之顯名也

敬

禮少儀賓客主恭祭祀主敬

知孝

樂記武王克殷祀乎明堂而民知孝鄭注云文王之廟為

明堂

觀敬

祭統孝子之事親也有三道焉生則養沒則喪喪畢則祭養則觀其順也喪則觀其

哀也祭則觀其敬而時也盡此三道者孝子之行也

三重

又祭有三重獻之屬莫重於裸聲莫重於

升歌舞莫重於武宿夜此周道也鄭注武宿夜舞曲名也

十倫

又祭有十倫焉見

君臣之義焉見父子之倫焉見貴賤之等焉見親疏之殺焉見爵賞之施焉見夫婦之別焉見政事之均焉見

長幼之序焉見上下
之際焉此之謂十倫
沈璧尚書中候湯降三分璧沈

分之璧沈
於洛也
湛玉漢武帝甄子歌河蕩蕩兮激潺湲
渡回兮迅流難牽長焚兮湛美玉河北

伯許兮
新不屬
增設版見
執麾唐六典協律郎若大祭祀
奉樂於庭則升堂執麾以

為之節制舉麾鼓祝而後
樂作偃麾憂敵而後止
黑牡唐六典司卿季冬藏
冰祭司寒以黑牡秬

黍仲春啟
冰亦如之
青牛遼史穆宗紀十三年九月朔以青牛
白馬祭天地飲於野次終夕乃罷

明衣宋志中祀以
上皆給明衣
看器宋史慶歷元年呂公綽言
舊禮郊廟尊罍數皆準古

而不實三酒五齊明水明
酒有司相承名為看器
三飯淮南子三地三月而
為一時故祭祀三飯

以為
多俎太平御覽漢舊儀宗廟三年大祫每太牢
中分之右辨上帝左辨上帝后俎餘委置積

於前殿千斤

臘鼓

月令廣義三韓俗以臘日家家祭祀月俗云臘鼓鳴春草生即歲時記

細腰

節堂

戴埴鼠璞唐節度使賜雙旌雙節行則建節立六纛入境築節樓迎以鼓角宋有大

鼓

纛旌節門旗二受賜藏之公宇

觚陞

宋志奉裡歌皇展報新禮樂觚

私室號節堂朔望次日祭之

陞詠

鞠場

金因遼俗以重五中元重九日行拜天之禮重九於都城

外牢

蔬

孔帖韓愈詩中堂

鑪管

宋志奉裡歌

釀

酒

月令廣義十月上辛命典饌清麴釀冬酒以供臘祀

搏黍

宋志親祀飲福酒訖做儀禮左食搏

泰之說命太官令取黍於簋搏以授祝祝接以豆以獻於皇帝而無瑕辭

禮料

宋志每祠祭命判寺

官緘署禮料送祀所

酒分

宋志慶歷元年判太常寺呂公綽言郊廟配位惟有祠祭酒分大中祠位

二升小祠位一升止一尊酌獻一尊

飲福宜詔酒官依法制齊酒分實之

捧玉

振金

帖孔

李德裕上尊號文捧玉瓚而一獻先

靈來格振金石而六變魄寶照臨

原教之本

禮君子之

教也必由其本順之至也祭仁之至

仁之至

又云祭仁之至義之盡也

事神示

鄭注云事謂祀之祭以吉禮事邦國之鬼神示

正齒位

又黨正職各掌其黨之政令教治及四時之孟

亦如之國索鬼神而祭祀則以禮屬民而飲酒於序以

正齒位一命齒於鄉里再命齒於父族三命而不齒

商曰彤

見祭

周曰繹

見祭

用赤黍

尚書大傳

載清酤

詩烈祖既載清酤鄭箋云

祭四極

尸子天子

侯祭山川大夫祀
五祠士祭其廟

祭五帝

漢舊儀宗廟八月飲酎用太牢元年祭天二年祭地

三年祭五帝於五時

祠五岳

漢舊儀祭五岳祠用三正色牲十月二月皆祭

祀三戶

郊祀志宣帝即位祠三戶山於密

增奉禋歌

樂志郊祀大禮樂章有奉禋歌

崇祀

錄

玉海孫奭撰大宋崇祀錄三十卷

正辭錄

玉海淳化二年秘書監李至取祭祀辭舊一百

九首增撰八十一首為正辭錄三卷上之景德元年命李宗諤楊億陳彭年詳定正辭錄

旁通圖

玉海熙寧四年冬詔以諸事監祠事隸太常以肅奉神之禮太常簿楊傑集太常祠祭總要

晉祭

法

玉海晉祭法晉盧諶撰雜祭法六卷晉范汪撰祭典三卷

唐祀典

會要顯慶二年大祀籩豆

十二中祀十小祀八正元十五年齊抗奏大中小祀七十條

降內香

宋志凡常祀天地宗廟皆

內降御封香凡所告亦內出香嘉祐中裴煜請大祠降
御封香中小祠供太府香中祠減大祠之半小祠減中

祠之

封御寶

宋志祝版當進署者並命祕閣
吏書上親署訖御寶封給之

供醑

醑

唐六典良醞令若享太廟供其鬱鬯之酒以實
六彝若應進者則供春暴秋清醑醑桑落等酒

請

木瓜

太平御覽曹植求祭先王表臣欲
祭先王於北河之上請木瓜五枚

成天文

月令廣義

易通卦驗冬至成天文鄭注云天文謂之三光運行而
照天下冬至而數訖於是時也祭而成之所以報也

陰祀日

月令廣義十月朔乃陰祀之
日宜祭祖考掃墓與清明同

不用玉

宋志祈不

用玉

餘用竹

玉海凡祝辭皇帝親祀則書之冊封
禪用玉餘用竹有司常祀書之方版

原

事死如生

祭義文王之祭也
事死者如事生

祭神如在

論語

黷謂弗

欽

尚書黷於祭祀時謂弗欽

黷則不敬

春秋已卯烝公羊傳曰常事不書此何以書譏何譏

爾譏亟也亟則黷則不敬

常祀不卜

左傳禮不卜常祀而卜其牲日牛卜日曰牲牲成而

卜其郊上怠慢也望郊之細也不郊亦無望可也

大饗不卜

曲禮鄭注祭五帝於明堂莫適

也卜有報有祈

郊祀牲祭有報焉有祈焉鄭注報謂若獲禾報社也祈猶求也謂祈福祥求永

也貞莫舉莫廢

曲禮凡祭有其廢之莫敢舉也鄭注謂其瀆神也廢舉謂之莫敢廢也鄭注謂其瀆神也廢舉謂

若殷廢農祀棄後不復廢棄祀農也

尚醴尚酒

明堂位殷尚醴周尚酒孔疏此皆其時之

也用祭心祭肝

虞祭首夏祭心殷祭肝周祭肺鄭注皆氣主盛也

甸師共蕭

周禮甸師職祭祀共蕭茅鄭注蕭香蒿也茅以共祭之苴亦以縮酒苴以藉祭縮酒沭酒也

廩人

共接

原人掌九穀之數大祭祀則共其接盛鄭注接讀

藉田之收藏於神倉者也不以給小用

鹽人共鹽

鹽人掌鹽之政令祭祀共其苦鹽散鹽註

杜子春讀苦為鹽謂出鹽直用不凍治也

田官納粟

穀梁傳甸粟而內之三宮三宮米而藏之

御廩註甸甸師掌田之官也三宮三夫人也宗廟之祭君祭割夫人親春疏曰納粟者甸師而夫人親春之也

醑酒沚清

郊特牲醑酒沚於清鄭注謂沚餞酒以清也

之而已沚盞齊必和以清酒者皆久味相得

明水沚齊

明水沚齊貴新也又鄭注沚猶清也

五齊濁沛之使清謂之沚齊及取明水皆貴新也

雞酒薄祭

後漢書徐穉嘗為太尉黃瓊所

辟不就及瓊卒歸葬穉乃負糧徒步到江夏赴之設雞酒薄祭哭畢而去不告姓名

魚叔之祭

鹽鐵論古者有魚椒之祭春秋祀其祖祠

酌彼行潦

詩洞酌篇傳云洞遠也行潦流潦也箋云

流潦水之薄者也遠酌取之投大器之中

于彼行潦

詩于以采藻于彼行潦鄭箋云藻之言澡

也婦人之行尚柔順自潔清故取名以為戒

薦式蘋藻

王肅祭徐聘士文云古人薦式蘋藻

藉以致之者誠耳

蘋藻是歆

殷元祭徐孺子文云微物將禮蘋藻是歆

龍旂承祀

詩閼宮篇鄭箋云交龍為旂承祀謂視祭祀事也

龍旂承糝

毛詩

龍旂十乘大糝是承鄭箋糝黍稷也諸侯建龍旂者十乘奉承黍稷而進之者亦言得諸侯之歡心十乘者二

王後八州之大國

登歌擊拊

周禮小師掌大祭祀登歌擊拊鄭司農云拊者擊石

下

管擊鼓

又云下管擊應鼓鄭注應鼓小鼓也

穆穆皇皇

周禮保氏掌諫王惡而養國子

以道乃教之六儀一曰祭祀之容鄭注祭祀之容穆穆皇皇

雍雍肅肅

詩有來雍雍至止肅

肅鄭箋雍雍然既至止而肅肅然乃助王禘祭

奉璋戕戕

詩傳戕戕壯盛也鄭箋璋璋瓚也奉

璋之儀戕戕然

執爨蹠蹠

詩傳爨爨廩爨也蹠蹠言爨竈有容也

卜爾百福

詩卜爾百福如幾如式箋云卜子也神歆嗜女之飲食故予女之百福其來如有期多少如有法矣

卜

爾萬壽

又天保篇君曰卜爾萬壽無疆傳云君先君也卜子也鄭箋云君曰卜爾者尸嘏主人傳神辭

時萬時億

詩永錫爾極時萬時億箋云長賜汝以中和之福是萬是億言多無數也

不

歆不祀

左傳狐突適下國遇太子太子使登僕而告之曰夷吾無禮余得請於帝矣將以晉畀秦秦將

祀余對曰神不歆非類民不祀非族君祀無乃殄乎且民何罪失刑之祀君其圖之

武帝祠時

漢書武帝紀元狩元年冬十月行幸雍祠五時獲白麟作白麟之歌

高宗彤日

尚書高宗彤日

越有雉雉案說文云雷始動雉鳴而雉其頸

黃鵠來壇

後漢書章宗紀章帝元和二年二月

幸岱宗柴告既畢有黃鵠三十從西南來經祠壇上東北過於宮屋

紫氣散殿

漢書宣帝始幸

甘泉有紫黃氣從西來散於殿前

赤光入祠

列異傳漢宣帝幸五時有赤光長十餘丈從

雉城來入祠中

夜光如星

漢書郊祀志秦文公獲若石云於陳倉北坂城祠之其神或歲不至

或歲數來也常以夜光輝若流星從東方來集於祠城若雉雉其聲殷殷云野雞夜鳴

左右趣

事

毛詩左右趣之臣皆促疾於事謂相助積薪也濟然敬左右之臣皆促疾於事謂相助積薪也

鼓鐘送尸

又云鼓鐘送尸神保聿歸箋尸節神者也尸出入奏肆夏北堂書鈔鼓鐘送尸者以哀其

享否不可知自孝子之心
耳其送尸猶自作樂也

文公逆祀

左傳文公二年八月丁卯大事

於太廟躋僖公逆祀也君子以為失禮禮
無不順祀國之大事也而逆之可為禮乎

張寬從祀

益部耆舊傳蜀郡張寬漢文帝時為侍中從祀甘泉至
渭橋有女子浴於渭水乳長七尺上怪其異遣問之女

曰帝後第七車知我所來時寬在第七車對
曰天星主祭祀者齋戒不嚴則女人星見

增以義

以仁

陳祥道禮書君子以義處禮則祭不致
於數煩以仁處禮則祭不致於疏忽

以祀以

養

元文類虞集誠存堂記以祀以養
以宴以食父兄宗族之親在是矣

尚質盡誠

文獻通考

天寶五載詔祭神如在傳諸古訓以多為貴著自禮經
脾腎之儀蓋昔賢之尚質甘旨之品亦孝子之盡誠

極隆致辨

八編類纂周官祀五帝之禮有與
天同極其隆有與天異致其辨

備三

獻官

續文獻通考元世祖中統三年即中書省備三獻官大禮使司徒攝祀事

行再生禮

遼聖宗紀四年十月丁酉皇太后行再生禮為帝祭神祈福

蘭蒸椒漿

孔帖李白漂陽義女

碑銘蘭蒸椒漿歲事因缺

餲餅牢丸

月令廣義盧諶祭法春秋用饅頭餲餅餠餅牢丸秋冬亦

如春蘭秋菊

元文類吳徵書李伯時九歌圖後云春蘭秋菊終古無絕四時祖考之常祭也

鏤玉繩金

宋志鏤玉更繩金

黑白二牲

遼史聖宗紀四年十二月辛亥以黑

白二牲祭天地

蜡臘異祭

王燭寶典蜡者報百神臘者祭先祖同日而異祭也

賜菊

花酒

遼史聖宗紀四年以重九登於高水南阜祭天賜從臣命婦菊花酒

設蒲萄酒

續文

獻通考元世祖至元十五年冬十月享太廟常設牢醴外益以羊鹿豕蒲萄酒

祀事孔脩

杜甫

朝獻太清宮賦歷良辰
而戒告分祀事而孔脩

祀典無虧孔帖李白祭九江文牲玉有禮祀典

無虧不能嚴清韓愈潮州祭神文牲糈酒不為表褻

韓愈南海神廟碑事神以潔心勤禮柳宗元終南祠堂碑潔心勤禮

導暢純精尊神敬祀樊仲德淮瀆廟記南陽太守中嘔

啞俯僂杜牧黃州祭神文黍稷稻梁嘔啞俯僂髣髴翔坐宋志明堂大

翔坐靈心長其恩愛韓愈原道篇為之葬助我惻

楚韓愈元和聖德詩正月元日初見宗祖躬執百禮登

祠之臣助獵獸祭廟王月令廣義經以立秋日祭獸

我惻楚

獲禽薦俎

宋志雍熙二年詔

給酒助祭

天中記後魏胡叟少孤言及父母則淚下

若孺子之號燉煌范潛家善釀酒每節送一壺與叟許赤武裴定宗等謂潛曰再三之惠以為過厚子惠於叟

何其恒也潛曰我恒給祭者以其恒於孝思也

竊食以祭

袁崧後漢書曰韓卓字子助陳留人

臘日奴竊食祭其母卓義其心即日免之

譙周祭志

出唐禮志

孟詵祭儀

月令

廣義溫公曰孟詵家祭儀用二分二至若不暇卜日則止用孟儀

原澤虞共澤物

周禮

澤虞凡祭祀賓客共澤物之奠鄭注澤物之奠籩豆之實芹菲菱芡之屬

司烜共明水

周禮

司烜氏掌以夫遂取明火於日以鑒取明水於月以共祭祀之明盥明燭共明水鄭注陳明水以為元酒也明

盥謂以明水脩滌染盛黍稷也

烹人共大羹

周禮烹人祭祀共大羹鉶羹賓客亦如之鄭注

大羹不致五味
銅羹加鹽菜矣

雷鼓鼓神祀

又鼓人以雷鼓鼓神祀
鄭注雷鼓八面鼓也神

祀祀天

路鼓鼓鬼享

鄭注路鼓四面鼓也
鬼享享宗廟也

增樂師立

縣間

元史禮樂志樂師一人運譜一人掌以樂
教宮人凡祭立於縣間皆北上相向而立

協律

立楹西

又協律郎凡大祭祀皆法服一人立於殿楹之
西東向一人立於縣北通街之西東向以節樂

堂上者主登歌
堂下者主宮懸

原祀上帝於北河

十三州記昔禹治
洪水既畢乃乘車

到終山祀上帝於北
河歸大功於九河也

祭蚩尤於沛庭

漢高帝紀高祖
立為沛公祠黃

帝祭蚩尤於沛庭
而鑿鼓旗鼓皆赤

增祭祀之節有六

玉海禮志凡祭
祀之節有六曰

卜日齋戒陳設省牲器奠玉
帛宗廟之晨裸進熟饋食

祭祀之名有四

詳祭
祀一

屬車八十一乘

蔡邕獨斷曰古者諸侯二車九乘秦滅九國無其車服故為八十一乘漢武祠

太乙甘泉皆盡用之明帝上原陵又用之

總屋七十一區

宋志詔以鑄鼎之地作室成宮

總屋七十一區中置殿曰神靈以祠黃帝東廡殿曰成功祀夏后氏西廡殿曰持盈祠周成王及周公召公

祭祀總載四

原多儀

書享多儀儀不及物曰不享

盡志

祭統外則盡物內則盡志注盡物祭物備也盡

志敬也

思敬

祭思敬

首義

今之祭者不首其義故誣於祭也注首本也謂失禮也

齋如

祭必齋如也

顙若

易觀盥而不薦有孚顙若

貴氣

郊特牲至敬不享味

而貴氣臭也

求食

左傳鬼猶求食

錫嘏

錫以純嘏注純大也嘏福也

備禮

子曰我祭則受福蓋得其道矣注福

其吐

左傳神其吐之乎注

吐猶不食也

誰尸

詩誰其尸之有齊季女

勞矣

詩豈弟君子神所勞矣注勞勞來也

諂也

論語非其鬼而祭之諂也

為人

左傳祭祀以為人又為人祈福

從生

祭從生者父為大夫子為士葬以大夫祭以士

二簋

易二簋可用享

八樽

祭以疎布巾

八樽

八政

洪範八政三曰祀

九式

周禮太宰以九式節財用一曰祭祀之式注為財用

之節

絜祀

周書夙夜絜祀

常祀

四時之常祀

暴浩

喪祭用不

足曰暴有餘曰浩

忠敬

禮祭致其忠敬

弔矣

敬之

薦陳

侑

酌

重民教

周書武成篇重民五教惟食喪祭

僭旅山

季氏旅於泰山子謂冉有

曰汝弗能救與
注為其僭也

脩歲之首

注月令孟春之月脩祭典
注國重祭故歲首脩之

用數之仂

禮記祭用數之仂注算今年
一年經用之數用其什一也

非禮不誠祠

祭祀共給鬼神
非禮不誠不莊

無豐于昵

傳說戒高宗祭祀不
當豐厚於親近之廟

於

彼於此

禮不知神之所在
於彼乎於此乎

來顧來饗

尸祝過時祭

時不
祭祀

祝史正辭

傳

著誠致潔

依德享義 齋敬

之心

蘋藻之奠

苟失其儀

是誣於祭

鬼神饗

德

祭祀貴誠

禮崇明祀

神享至誠

克禋克祀

是享是宜

鼎俎既陳

籩豆既設

致其誠信

潔以馨香 齋莊之色 怵惕之心 儼恪之儀 敬

齋之色 慎抑抑之儀 降穰穰之福 仰得一之靈

降時萬之福 正若思之貌 仰如在之神 苟非

蘋藻之誠 是用秣稗之禮 苟祭典之有乖 在禮

容而奚取 增宗廟崇儀 禴嘗明祀 欽若天地

虔奉廟祧 黍稷維馨 籩豆有楚 霜露既零 春

秋匪懈 爰脩饗祀 載展牲牷 備其鼎俎 潔爾

牛羊 先祖是皇 神明其德 陟降彤庭 往來黃

道是蒸是享 孔惠孔時 以介壽祺 聿流曾慶

靈承無數 駿奔有容 三獻禮終 九成樂作

紫煙書升 靈光下燭 禮備多儀 樂成九變 報

本克禋 順時脩祭 雕豆玉觴 青圭紺席 鼎氣

歆雲 神光燭地 珪組既陳 酒醴皆潔 克脩羣

祀 大合百神 上祇明命 下達精誠 率由舊章

敬恭明祀 虔奉犧牲 躬奠珪璧 備殷薦之容

行昭報之禮 長朱草於齋除 產靈芝於廟柱

表勤昭事之心 載展奉先之意 乘上日而恭饗

奉高禋而肅事 諸侯駿奔以助祭 百靈肸鬯而降

祥 鬻辜充祠於百物 望秩備禮於四方 聖人垂

遷坐之規 明王制齋心之地 瑞氣蜿蜒於數旬

祥光熠燿於旒罽 郊秋歲奉於嚴禋 宗廟時脩其

明薦 禮官博士分典斯務 庀人尸祝各守是司

列黍稷而馨感明靈 奉和樂而聲聞霄漢 霜露之

感永切孝思 禋燎之儀每勤精意 祇見宗廟情極

於孝思 有事郊丘義崇於嚴配 祀事孔明必先於

酒醴 神其戾止亦在於馨香 繁纓藻帶燦爛於祭

容 孤竹雲和鏗鏘於聲律 祝史正辭享聖德於上

帝 牲牷肥腍降景福於明神 精靈不測有上下之

神祇 誠敬無文有春秋之禴祀 執觚奉爵禮必祖

乎敬恭 藉茅設洗事無忘於豐潔 入戶儼然感四

時而展敬 祭神如在瞻一廟以式思 玉瓚黃流躬

泣四時之祭 龍袞元冕力還三代之儀 繩直準平

騶考工之斤斧 芒寒色正炯清廟之星辰 聆夫磬
管知律呂之克諧 列彼苾芬信幽明之允叶 魯蜡
有乖仲尼聞而發歎 漢紀多僻匡衡陳其用祥 潔
以新樽冀精誠之可達 歆於明德知黍稷之非馨
祥風入候當乎八變之殷 瑞日揚輝屬乎三獻之始
祭祀總載五

原賦魏孫該三公山下祠賦曰趙國元氏縣西界有六
神祠吾觀其一焉在陘山之陽即三公祠焉崇堂既峻

危閣造雲櫺軒臨萬仞之壑土木被丹藻之華是時寓
日永日夕宿東序召彼故老訊之舊典云棟宇初興七
十載三台耀靈實降甘雨夫山以有形為神神以無形
為主若乃歆蒸於上雷動於下公田穰於多黍嫠婦利
其滯穗亦茲邦之所以報厯葉不輟也於是援筆作賦
招神靈之有憑壯夏屋之弘麗其詞曰坤作地勢恒岳
吐精布護礪礪上秀太清三后讚事雨師不寧有淦淒
淒潤我羣生先人諒德圖象垂形考之舊史典謨無聲

增唐杜甫朝獻太清宮賦曰太乙奉引庖犧左右堯
步舜趨禹馳湯驟鬱曾宮之律率圻元氣以經構斷紫
雲而竦牆撫流沙而承雷紛墮珠而陷碧燿波錦而浪
繡森青冥而欲雨艷光炯而初晝於是翠蕤俄的藻藉
舒就祝融擲火以焚香溪女捧盤而盥漱羣有司之望
幸辨名物之難究瓊漿自間於棗盛羽客先來於介冑
爍皇祖之儲祉敬雲孫而及此詔軒轅使合符勅王喬
以視履積昭感於嗣續匪正辭於祝史若肝鬯之有憑

肅風飈而乍起揚流蘇於浮柱金英霏而披靡擬雜佩

於曾顛孔

一作芝

蓋歌以颯纚中澁澁以迴復外蕭蕭而

未已 宋張耒大禮慶成賦曰天子方端而虛儼而一

多儀未舉精意已塞甲夜始晦嚴鼓載作飛斂走伏神

驚鬼愕望騰精以燭宵兮元冥収威而布德靈鼉互震

軫車將中天子乃被袞執玉兮齊明莊栗之誠動於進

趨表於形容千燎具舉萬炬畢融上揜熒惑旁爍燭龍

近為朝暘遠為融風赫赫曦曦煌煌輝輝陟降既周燎

煙始升奔星走虹奉璧薦牲豐隆奔馳而仰驚兮祝融
焜煌而上征開閭闔兮闢清都后帝燕兮百神愉圓錫
蓋兮方獻輿岳輸固兮溟效濡

原詩梁簡文帝和蕭東陽祀七里廟詩曰萬里實幽宗
三神亦天構豈謂木石精斯乃山川守遠來太白旗遙
徵青鳥候以茲敬弗怠方知教應富 陳周弘讓春夜
醺五岳圖文詩曰夜靜瓊筵謐月出杏壇明香煙百和
吐燈色九微清五岳移龍駕十洲迴鳳笙目想靈人格

心屬羽衣輕蕙肴薦神饗桂醕達遙誠熙然聊自得挹

酒念浮生 陳叔達州城西園入齋祠社詩曰升壇預

潔祀詰早肅分司達氣風霜積登光日色遲農教先八

政陽和秩四時旂年服垂冕告幣動褰帷瘞地尊餘奠

人天庶有資椒蘭卒清酌簠簋徹香萁折俎分歸胙充

庭降受釐方憑知禮節況奉化雍熙 楊慎從駕祀麓

山廟詩曰聖德憂民暇麾旆謁山靈畫航泛北渚文馬

侍東平春浦戈鋌照寒林饒吹鳴依稀長安驛蕭條都

尉城井泉能共動江帆得分行
窓幽細網合階靜落花
明簷巢始入燕軒樹已遷
鶯菲菲蘭俎馥淡淡桂樽清
銀塘日影盡玉座舞衣輕
周庾信老子廟詩曰三門
臨苦縣九井對靈溪盛丹湏
竹節量藥用刀圭行當別
關吏直向流沙西
增唐明皇經魯祭孔子詩曰夫子
何為者棲棲一代中地由鄒氏
邑宅即魯王宮嘆鳳嗟
身否傷麟怨道窮今看兩楹
莫當與夢時同
杜甫謁
玄元皇帝廟詩曰配極玄都
閔憑高禁籞長守祧嚴具

禮掌節鎮非常碧瓦初寒外金莖一氣傍山河扶繡戶
日月近雕梁仙李蟠根大猗蘭奕葉光世家遺舊史道
德付今王畫手看前輩吳生遠擅場森羅移地軸妙絕
動宮牆五聖聯龍袞千官列雁行冕旒俱秀發旌旆盡
飛揚翠柏深留景紅梨迥得霜風箏吹玉柱露井凍銀
床身退卑周室經傳拱漢皇谷神如不死養拙更何鄉
儲光羲尚書省受誓誡詩曰皇家有恒憲齋祭崇明
祀嚴車伊洛間受誓文昌裏沈沈雲閣見稍稍城烏起

曙色照衣冠虛堂鳴劒履徘徊念私覲悵望臨清汜

李希仲東皇太一祠詩曰吉日初齋戒靈符穆上皇焚
香布瑤席鳴佩奠椒漿緩舞花飛滿清歌水去長回波
送神曲雲雨滿瀟湘 儲光羲祭風伯壇詩曰聖主御

青春綸言命使臣將脩風伯祀更福太平身帝幕宵聯
事壇場曉降神帝心矜動物非為屬車人 曹唐三年

冬大禮詩曰太一天壇降紫君屬車龍鶴夜成羣春浮
玉藻寒初落露拂金莖曙欲分三代樂迴風入律四溟

歌駐水成文千官不動旌旗下日照南山萬樹雲 宋

王珪大饗明堂慶成詩曰皇祐更秋律明堂奉帝禋
盛雖薦德霜露本懷親於赫朝三后無文秩百神
九筵交玉幣重屋近星辰邃幄留飈御清壇墮月
津衣冠漢儀舊金石舜韶新受昨開宣室鳴鐘降
紫宸羣陰光復旦協氣斗迴春靈貺叢千祀豐
恩滲四垠慚非老辭筆徒學煥堯文 蘇軾扈從
景靈宮詩曰風伯前驅清宿霧祝融駢乘破朝寒
英姿聯璧從多士妙句鏘金和八

鸞 明黃裳立春奉祀太乙詩曰九霄香露降龍衣
隱霓旌下紫微十雨五風春意好已知消息曉來歸

汪廣洋大祀詩曰掃地事明薦穹廬列周行鼓鐘宿在
縣玉帛粢陳筐陶匏湛醴齊大登具牛羊匪侈禮物豐
貴在誠意將川岳永流峙風雲倏低昂神靈符肸鬯鑒
假達羶薌 李夢陽靈濟宮詩曰愆憑精靈託呼噓霹
靂隨先皇親議號繼聖必修祠爵秩王侯上尊同帝者
司琳瑯搖繡栱松柏蔭丹墀瓶內金花湧龕前紫鳳垂

晴還日月祕暝則鬼神悲五帝非無術千齡今見誰

又赴郊觀宿詩曰城邊水色淨春茅苑外鶯啼拂露梢
萬戶煙花臨複道九天宮殿鎖南郊霓旌夜發清溪繞
綵仗神飛碧樹交身到鈞天渾不解坐聞仙樂下雲旂
又桂殿詩曰桂殿芝房曙色通垂垂苑柳綠烟中桑
乾斜映千門月碣石長吹萬里風已有金吾嚴御陌遙
傳玉輅下齋宮侍臣鵠立松陰裏時倚紅雲望碧空

于慎行陪祀西郊詩曰絳節移秋苑瓊壇夕月明百靈

森鳳幄九奏穆龍笙明水珠英落蘭陵玉笋行上辛殷
舊秩少采達遙誠肅肅瑤臺靜沈沈桂影清涼風開輦
道燈火入西城 蔡汝楠紫微宮行祈祝禮詩曰行趨
紫微闕儼是北辰居灝氣通王屋玄風徹禁廬神祇猶
望幸雲雨為前驅將命叨成禮端章叩玉虛

增歌漢安世房中歌曰大孝備矣休德昭清高張四縣
樂充宮廷芬樹羽林雲景杳冥金支秀華庶旒翠旌

鸞鸞音送細齊人情忽棄青玄熙事備成清思耿耿經

緯冥冥 大海蕩蕩水所歸高賢愉愉民所懷大山崔

百卉殖民何貴貴有德 晉傅休奕祀天地五郊迎送

神歌辭曰宣文蒸哉日靖四方永言保之夙夜匪康光

天之命上帝是皇嘉樂殷薦靈祚景祥神祇降格享福

無疆 原梁江淹牲出入歌辭曰祝詳史具禮備樂薦

有牲在陳有鼓在懸騰燭象星奔水類電郊燎夙戒駟

彼乘駟以伺質明以申神宴 又薦豆毛血歌辭曰時

恭時祀有物有則伊我上聖實抱明德犧象交陳鬱樽

四塞黍惟嘉穀酒惟元默薦通蒼昊慶覃黎黑願靈之
降祚家佑國 又奏宣列之樂歌辭曰殷宗配天周尊
明祀瑞合汾陰夢同泰時青幕雲舒丹殿霞起二曜惟
新五精告始於以饗之景福是履

原序晉稽含祖道賦序曰祖之在於俗尚矣自天子至
庶人莫不咸用有漢卜日丙午魏氏擇其丁未至於大
晉則祖孟月之酉日各因其行運三代固不同雖其奉
祖莫識祖之所由興也說文祈請道神謂之祖有事於

道者吉凶皆名君子行役則列之於中路喪者皆遷則稱名於階庭或云百葉遠祖名皆凋滅墳塋不復存其銘表遊魂不得托於廟祧智者故以歲初良辰肇建華麾揚絺旗將欲招靈爽於今夕庶衆祖之來憑蓋有兩端俯嘆壯觀乃述而賦之

增文漢光武祭告天地羣神文曰皇天上帝后土神祇眷顧降命屬秀黎元為人父母秀不敢當羣下百辟不謀同辭咸曰王莽篡位秀發憤興兵破王尋王邑於昆

陽誅王郎銅馬於河北平定天下海內蒙恩上當天地之心下為元元所歸秀猶固辭至於再至於三羣下僉曰皇天上命不可稽留敢不敬承 漢昭烈祭告天地

神祇文曰惟建安二十六年四月丙午皇帝備用玄牡昭告皇天上帝后土神祇漢有天下歷數無彊曩者王莽篡盜光武皇帝震怒致誅社稷復存今曹操阻兵安忍戮殺主后滔天泯夏罔顧天顯操子丕載其凶逆竊居神器羣臣將士以為社稷隳廢備宜脩之嗣武二祖

恭行天罰備雖否德懼忝帝位詢於庶民外及蠻夷君
長僉曰天命不可以不答祖業不可以久替四海不可
以無主率土式望在備一人備畏天命又懼漢邦將湮
於地謹擇元日與百僚登壇受皇帝璽綬脩燔瘞告類
於天神惟神饗祚於漢家永綏四海 原晉殷允祭徐
孺子文曰惟豫章太守殷君謹奠漢故聘士豫章徐先
生惟君資純元粹含真太和卓爾高尚道映南岳逍遙
環堵萬物不干其志負褐行吟軒冕不易其樂時携虛

榻佇金蘭之眷千里命契寄生芻之詠非夫超悟身名
遁世無悶者孰若是乎夫誠素自中微物為重蘋藻是
歆實過牲牢 王恂祭徐聘士文曰豫章徐先生陶精
太和誕膺一德藏器高棲確爾特立貞一足以制羣動
純本足以息浮末宣尼有言不事王侯高尚其事若先
生者抑亦當之矣限茲遐路無由造敬係佇靈宇乃情
依依故貢薄祀昭述宿心神而有靈倘垂尚饗 周穎
文祭梁鴻文曰晉隆安四年陳郡周穎文以蒹藻行潦

祠於梁先生之墓夫子邁志箕穎塵垢雕俗骨秀風霜
性淳寡欲娶待偕隱之儷文絕陪臣之錄遂負策周魯
之郊逆旅吳會之阿可謂高奇絕倫孤立莫和者也後
學撫牘得人在文忽以知命而展其墳芒芒積草有馥
餘芬昔先生過延陵而想季經海隅而感連荀踐迹而
趣合亦斷金於當年 陶潛自祭文曰歲惟丁未律中
無射天寒夜長風氣蕭索鴻雁於征草木黃落陶子將
辭逆旅之館永歸本宅故人悽其相悲同祖行於今夕

自予為人逢運之貧簞瓢屢罄絺綌冬陳已達運命疇
能固眷予今斯化可以無恨壽涉百齡身慕肥遯從老
得終奚所復戀葬之中野以安其魂寂寂我行蕭蕭墓
門奢侈宋臣儉笑王孫匪貴前譽孰重後歌人生實難
死如之何 宋顏延之祭屈原文曰蘭薰而摧玉貞則
折物忌堅芳人諱明潔粵若先生逢辰之缺 增謝惠
連祖祭弟文曰闔棺窮野啟殯中荒靈影夙滅寢寢虛
張人往運來自秋徂陽蕃蘭落色宿草滋長孰云不痛

辭家去鄉爾之于役爰適茲邑上秋告來方春佇立如
何不弔吉違凶集六親懂心姻朋浩泣我雖載奔伊何
云及永懷在昔追亡悼存惟兄及弟瞻母望昆生無榮
讌死望歸魂令龜告兆祖櫬東旋靈輅次路嚴舟在川
廓然何及痛矣終天 原齊卞伯玉祭孫叔敖文曰謹
以醴羞祭楚令尹孫君之靈眇眇千載悠悠舒荆理無
不通事隔者形尚想清塵承風效誠超超夫子淡矣道
情自心伊貴人爵靡英芳風如蕭清響如塤景矣行役

言戾豫方側聞夫子記憤睢陽靈封頽墓丘塋榛荒幽
幽神道為有為亡徘徊永念悽矣其傷 增任孝恭祭

雜墳文曰惟爾冥然往代求圓石而無名邈矣遐年討
方塼而不記封樹漂殄誰別羽商之家墳壟傾廻終迷
庚癸之向近此伽藍實湏泥丸命彼碩人置茲屯邑不
謂綸繩所用遂沒牛亭之基鋏錘所侵爰傷馬鬣之勢
重使翠幕臨風佳城見日昔靈沼枯骨周王改以衣冠
廣武授尸漢王加其轡櫜輒勒彼山虞覆頽隍於舊趾

命茲匠者脩反壤於故林還蟻結之文依似坊之勢幸
得宜陽大道無變無移京兆長阡勿廻勿徙庶幽魂遊
止踐昔徑而不疑塗車往還瞻舊轍而猶在 唐柳識
許先生潁陽祠庭獻辭文曰先生清靜天地全性出於
胚渾入於鴻濛雲游鳥還翦鬱和風當時帝道已半滋
章欲深大樸散於人未散於山林乃有巢父杳冥同心
堯齋公罷退然見推遇聖相感不得不知耳雖濯於清
流道終播於無為所謂春膏時蒸朽葉自滋先生含德

唐堯發之潁陽之仁德日大天下之祿利日卑且聖王
所重者名器至人所重者感通推以大名義同壤終廉
能感俗道自為功任應會之偶然生垂後之清風人登
雲嶺多憶箕潁猗歟先生山水齊名茲焉遺廟萬古芬
馨黃晞祭左丘明文曰天地何私鍾才特殊胸羅萬
象氣函八隅堯形舜骨禹步湯趨巍巍左丘千古德孤
周孱魯悻玉石混渝仲尼經之神居緯諸百王千法電
熠霞鋪浮忠暴孝竄姦磔諛弗官而賞弗斧而誅雲龍

謫詭麟鳳怡愉星紀二十鱗如粲如後俗荒醉履捷迷
途跬步咫尺荆棘扶疎鄒夾公穀不式不謨侵官盜位
犯禁罹辜指白為赤驚聾駭愚太陽無色殘燈有餘惟
聖作古降聖冀區四子於是祈言厚誣仲舒劉向習異
牽拘病在膏髓徒言皮膚有漢後葉方漏本書子駿元
凱怒氣虹舒赤地申力橫流展圖大年脩臻平原固虞
凜然千祀清風襲予時移事遠迷終反初陸淳啖趙信
吠空虛黃踵成習夸紫亂朱方孩躑躅作氣跼跼骨幹

葱弱吻齧乳濡張唇哆齒啗嚙嘯狂聖姝厲齊鑣並
驅蚓口蟬腹性稟只且張皇受納毫芒碎銖孰先為師
孰後為徒更唱迭和蠅喧蠓吁

御定淵鑑類函卷一百六十二

欽定四庫全書會要卷一萬一千六百十一

子部

御定淵鑑類函卷一百六十三

禮儀部十

薦 齋 沐 祈禱 祈禳 浴附

薦一

增文獻通考曰唐開元禮薦新物五十餘品凡薦新皆所司白時新堪供進者先送太常令尚食相與簡擇仍以滋味與新物相宜者配之以薦 元豐中詳定郊廟禮文請自今孟春薦韭以卵羞以封仲春薦冰季春薦

笋羞以含桃子孟夏以瓠嘗麥仲夏嘗雛以黍羞以瓜季
夏羞以芡以菱子孟秋嘗粟與稷羞以棗以梨仲秋嘗麻
嘗稻羞以蒲季秋嘗菽羞以免以栗孟冬羞以雁仲冬
羞以麇季冬羞以魚今春不薦鮓實為闕典請季春薦
鮓以應經義

薦二

原開冰

月令仲春獻羔開冰先薦寢廟鄭注獻羔謂祭
司寒也祭司寒而出冰薦於宗廟乃後賦之

薦鮓

又季春天子乘舟薦鮓於
寢廟鄭注進時美物也

增薦冰

唐六典太
常卿凡仲

春薦冰及四時品物
甘滋新成者皆薦焉

薦果

遼史太宗紀五年七月
戊子薦時果於太祖廟

神厨

又獻通考開元禮薦新之日太廟令率齋
郎灑掃廟內太官先饌所薦之物於神厨

影堂

續文獻通考元世祖至大元年春正月皇太子言薦新
增用影堂品物羊羔炙魚饅頭飴子西域湯餅園米粥

沙糖飯羹每

殷事

唐志彭景直疏今諸陵朔望食則
近於古之殷事諸節日食近於古

之薦新鄭注禮記殷事

臘祭

文獻通考蜀譙周禮祭
集志天子之廟始祖及

月朔半薦新之奠也

高曾祖皆月朔如薦以象平生朔食也謂之月祭凡五
穀新熟珍物新成天子以薦宗廟禮未薦不敢食新孝

敬之道也其月朔薦及

玉瓚

詩大雅瑟彼玉
瓚黃流在中

銀籠

臘薦薦新皆奠無尸

杜甫詩赤墀櫻桃枝隱映銀絲

原以仲月

祭以首時
薦以仲月

龍千春薦陵寢永永垂無窮

如朔奠

薦新如朔奠

羞含桃

月令仲夏之月天子乃以雖嘗黍羞以含桃先薦寢

廟

獻櫻桃

漢書叔孫通傳惠帝嘗出遊離宮通曰古者有春嘗果方今櫻桃熟可獻願陛下出

因取櫻桃獻宗廟上

以彘嘗麥

月令孟夏以彘嘗麥先薦寢廟注麥之新

許之諸果獻由此興

以犬嘗麻

又仲秋以犬嘗麻先薦寢廟鄭注麻始熟

其熟也彘水畜也

也

嘗新先薦

月令孟秋農乃登穀天子嘗新先薦寢廟

無田則薦

大夫有士有

田則祭無

薦韭薦稻

庶人春薦韭夏薦麥秋薦黍冬薦稻

配羊配豚

田則薦

又云韭以羊麥以魚黍以豚稻以雁配也

元保珍新

宋書羊元保自少至老謹於祭奠四時珍

新未得祠薦

張冲菜果

齊書張冲永明八年為假節監青冀二州事冲父遺命曰

者口不妄嘗

祭我必以鄉土所產無用牲物冲在鎮四時還吳國取果菜每至烝嘗輒流涕薦焉

增有司行

事

文獻通考隋四時薦新於太廟有司行不出神主

內臣行禮

文獻通考元豐八年太常

寺言治平故事山陵前宗廟輟祭享遇朔望以內臣行薦食之禮俟祔廟畢仍舊

寢藏衣冠

文獻通考長樂陳氏云先儒謂廟藏神主而祭以四時寢藏衣冠几杖之具而祭以新物然國語大寒取名魚登水禽嘗之寢廟月令四時新物皆先薦寢廟蓋有寢者薦於寢無寢者薦於廟非謂薦止於廟也

物

附籩豆

續文獻通考世宗大定三年有司言每歲太廟五享若復薦新似涉於數擬遇時享之月以所

薦物附於籩

一日兩祭

文獻通考政和四年何天衢言先王之禮未聞一日並行

豆薦之制可

兩祭者也今太廟薦新有與朔祭同日者薦新未嘗卜日一月內皆可薦亦何必同朔祭之日哉詔薦新與朔

祭同日即

一歲八薦

呂氏月令一歲之間八薦新物

籩實果饗

白帖

韋縚請室加籩豆每四時以四時新果珍饗實之

槃薦毛血

文獻通考薦血之器禮所不載

禮以豆盛菹醢登盛羹其薦毛血當以槃

簡擇潔淨

詳薦一

請用宴私

文獻

通考貞元九年太常博士韋彤等議宗廟無朔望祭食之儀園寢則有朔望上食之禮至天寶十一年祀官王珣妄推緣生之義請用宴私之饌此可薦於寢宮不可瀆於太廟

有新必薦

孔帖韋縚傳太

子賓客崔沔議唐家清廟時享有新必薦順時令也

薦貴新味

孔帖韋縚傳薦貴新味不尚褻

雖曰備物猶有節制存焉

不備三牲

文獻通考高堂隆云舊典天子諸侯月有祭事其孟則四

時之祭也三牲黍稷時物咸備仲月季月皆薦新之祭大夫以上將之以羔或加以犬而已不備三牲也士以

豚庶人則惟時宜魚雁可也皆有黍稷

不出神主

宋史薦新雖在廟然皆不出神主

永明鴨卵

文獻通考齊永明九年詔孝皇后之祭薦用筍鴨卵

天寶雞毬

唐書志天

寶六年始以九月朔薦衣於諸陵又常以

刪去林擒

寒食薦餚粥雞毬雷車五月五日薦衣扇

宋史志舊有林擒蕎麥諸菓之類及季秋嘗酒並合刪去

薦其燔炙

禮運醴醢以獻薦其燔炙

嘗韭於廟

宋史漢儀嘗韭之屬皆於廟而不在寢故韋元成以為廟歲二十五祀而薦新在焉

送兔充享

太宗雍熙二年詔送兔十頭充享太廟

近地瓜果

唐六典溫泉湯

監凡近湯之地潤黷所及瓜果之屬課其樹藝成熟則苞匭而進之以薦陵廟

常時飲食

唐文

粹崔沔議晉盧諶家祭所薦皆晉時常食不盡用禮之舊文

屈建不薦芟

國語屈到嗜芟

有疾召宗老而屬之曰祭我必以
芟及祥宗老將薦芟屈建命去之

管寧親薦饌

魏志管寧

四時祠祭著故在遼東所有白
布單衣親自薦饌跪拜成禮

省二十三種

東漢詔凡供薦

新味苟非其節或夭折生長豈所以順時育物乎自
今奉祀陵廟及給御者皆順時所上凡省二十三種

增十有七品

宋史景祐中禮官議定四時所薦凡二
十八物除依時禮月令又增十有七品

太清宮薦獻

天寶九載制曰朕前有事宗廟皆稱告享
自今每親告獻太清太微宮改為朝獻有

司行事為薦獻親告享廟改
為朝享有司行事改為薦享

奉先殿薦食

續文獻通
考明有奉

先殿朔望
薦時食焉

元日冬至寒食伏臘薦新

禮樂志元日冬
至寒食伏臘社

薦新於諸陵其
物五十有六品

玉津瓊林宜春瑞聖供具

文獻通考
元豐七年

詔薦新米麥之屬皆令玉津瓊林宜春瑞聖諸園及金明池後苑供具所無者乃索之雜買務

祈禱一

原求福

說文告事求福為禱

新祥

周禮太祝掌六祝之辭以事鬼神示祈福祥求永貞鄭注

永長也貞正也求多福歷年得正命也

禱宗廟

汲冢周書維四年孟夏王初祈禱於宗廟乃嘗

麥於太祖

祈黃耆

詩行葦篇曾孫維主酒醴維醕酌以大斗以祈黃耆

憂百姓

淮南

子聖人者不恥身之賤而媿道之不行不憂命之短而憂百姓之窮也是故禹為水以身解於陽脰之河湯為旱以身禱於桑林之下

念兆民

東觀漢記鄧太后嘗不安左右憂惶至令禱祠願以身代牲太

后聞之甚怒勅令禁止以為何故乃有此不祥之言左右咸流涕嘆息曰太后臨大病不自顧而念兆民後病

遂瘳豈非天地之應與

黃氣墮室

異苑晉簡文既廢世子道生次子郁又早卒未有息嗣濮

陽令在帝前禱至三更鬱鬱有黃氣自西南來墮室前是夜幸李太后而生孝武皇帝

白龍降

祠

詳請雨

作辭以通

周禮太祝作六辭以通上下親疎遠近五曰禱鄭注禱於天地社稷

宗廟主為其辭也

告訴以通

荀悅申鑒或問神何以格曰一誠所感自然神應故精神以底

之犧牲玉帛以昭之禱祈告訴以通之

神仙請吉凶

搜神記益州有神仙以石為室其民

奉祀之自稱黃室公凡欲問吉凶者持紙筆及墨置石室中須臾來視之其言吉凶甚驗不見其形

仙

室禱風雨

列仙傳歷陽有彭祖仙室禱請風雨莫不輒應

非令而禱法不立

韓子秦昭王有疾百姓里買牛而家為王禱公孫衍出見之入賀王曰百姓乃皆里買牛為王禱王曰訾之人

二甲夫非令而擅禱是愛寡人也夫愛寡人寡人亦且
改法而心與之相循者是法不立法不立亂亡之道也
不如人罰二甲
釋勢與民民不用
秦襄王病百姓為
而復與為治之禱病愈殺牛塞

禱王使人問之訾其里正與伍老屯二甲閭過公孫衍
怪之王曰予何故不知於此彼民之所以為我用者非
以吾愛之為我用者也以吾勢之為我用者也吾釋勢
與民相收若是吾適不愛而民因不為我用也故遂絕
愛道
增遍禱
文獻通考仁宗嘉祐元年以帝不豫輔
臣分詣景靈宮郊廟社稷為皇帝祈福

仍遣朝臣二十一人遍
禱於五岳四瀆名山

私禱

元文類曹元用文泰漢
以來君天下者惑於方

士之言歲時黷山
川以申其私禱

西河

續文獻通考宋理宗淳祐十
二年年子才奏比者國家以

五福太乙臨蜀分乃建西太乙宮於西河之濱
以為禋禳之地土木鉅麗囊封匭奏交言其非

北海

續文獻通考元世祖至元二十八年遣官持書詣中嶽南海淮瀆致禱又遣真人張志仙持香詣東北海嶽濟

瀆致禱

火祀

玉海胡宿言願國家脩火祀不惟講脩火政亦足以祈求年豐

龍壇

元

類范曄龍壇記延祐元年旱禱之雨三日穀大熟乃以樂龍之章俾世世歌以承祀

妄祈

唐書李藩

曰號公求神以致危亡王莽妄祈以速天變古今明誠書傳所記

不禱

唐書五行傳簡宗廟不禱

祠廢祭祀逆天時則水不潤下謂水失其性百川逆溢壞鄉邑溺人民而為災也

禱虎

元宋本績

溪縣尹政記有羣虎入宣歙境尹潔齋禱神有異獸逐虎食之虎畏駭悉去

禱蝻

文獻通考仁宗

天禧元年以蝻蟲再生分遣官禱京城宮觀寺廟仍諸州軍於公宇設祭

洪祀

經濟類編晉哀帝以

天文失度欲依尚書洪祀之制於太極前殿親執虔肅冀以免咎江道上疏臣尋史漢舊制藝文志劉向五行

傳洪祀出於其中然自前代以來靡有用者其文惟說為祀而不載儀注此蓋久遠不行之事非常人所參

祕科

元文類禮典總序祕科內典悉其祠禱之方而鬼神之情見矣

蠶市

成都記三月遠

近祈福於龍橋命曰蠶市

象尊

文獻通考仁宗慶曆時祈報象尊一

祠夏禹

經濟類編

李谿敬鬼神議今江東委巷之禮祠夏禹

禱煬公

左傳

蜀人則祠先主武侯祈祝徵福昧亦甚矣

昭公出季平子禱於煬公九月立煬宮注平子逐公懼而請禱於煬公昭公死自以為獲福故立其宮煬公伯

禽子

宣政院

續文獻通考成宗大德十年上有疾遣宣政院使禱於太廟

郊社

令

唐六典郊社令掌祈禱之禮

越風波

太平御覽唐孔戣為廣州刺史先是準詔禱南海神

多令從事代戣必自越風波而往韓愈為潮州作詩美之

因泮凍

漢書郊祀志自殷以東名山五

大川祠二春以脯酒為歲禱

祕玉牒

唐志開元十三年有事太山玄

因泮凍秋涸凍冬賽禱同

宗問前世何為祕玉牒賀知章曰玉牒通意於天前代

或祈長年希神仙旨尚微密故外莫知帝曰朕今為民

祈福無一祕請即

奏赤章

續文獻通考元世祖至元十六年命五祖真人李居

出玉牒以示百僚

壽作醮事奏赤章十八年命天

回回監

續文獻通考元仁宗遣使

師張宗演即宮中奏赤章於天

紫星於回

瑟瑟儀

遼史瑟瑟儀若旱擇吉日行瑟瑟儀以祈雨

祈雨雪

回司天監

法

玉海皇祐二年六月己巳再頒先朝祈雨雪法

置梨棗錢

馬第伯封禪儀記從東陞上臺

上有壇人多置錢物壇上武帝封禪至泰山下

未及上百官為上跪拜置梨棗錢於道以祈福

三時

禱禮

春秋考異郵三時惟有禱禮凡雩祭之事又凡雩必先禱

六祝祈祠

六典太祝掌六

祝之祠順祝年祝令祝化祝
瑞祝策祝以事鬼神祈福祥

不刊之典

經濟類編李
谿敬鬼神議

古人言敬鬼神之神之禮有禱祠祭祀皆所以立不刊之典
而教人孝弟非謂能為禍福而求益利何以言祈福歟

不廢之法

續文獻通考宋吳詠進明堂御劄狀曰海
內又安兵革不興年至於屢豐則鋪張揚

厲而主報疆場多事水旱間作民未有寧宇則禴禳祠
禱而主祈此皆成周令典國家列聖以來成法所不能

廢也
大裁乃禱

周禮春官小宗伯掌大裁
及執事禱祠於上下神示

常禮不祈

八編類纂陳澔曰祭有常禮不為
祈私福祭有常儀不以先時為快

禱祠祈福

經濟類
編李谿

敬鬼神議敬而無失非有他也禁淫祀勵疏怠非求益
也苟有先聖之典籍在則禱祠祈福亦設教論道而已

禱災邀佑

唐許謐晉東萊太守劉將軍
廟記禱災邀祐餘靈影響

禱天雪霽

續文獻通考遼太祖神策四年十月次烏古部天大風雪兵不能進上禱於天俄霽

酹天水退

續文獻通考金海陵時東京水溢暴至城下決女牆石

罅中流入城湍激如湧城中惶駭世宗時為留守親登

城舉酒以酹天水退

水早有祈

文獻通考宋制凡水旱災異有祈報之禮祈用酒脯醢報如常

禮宮觀寺院則以香茶素饌

水旱必禱

唐李陽冰縉雲縣城隍神記風俗水旱疾疫必禱焉

奉祝往禱

宋志如河中之后土廟太寧宮毫之太清宮明道宮克之會真景靈宮太極觀鳳翔

之太平宮舒州之靈仙觀江州之太平觀泗州之迎祥觀皆函香奉祝驛往禱之凡旱蝗水潦無雪皆縈禱焉

乘傳分禱

孔帖帝嘗不豫太卜建言祟在山川王璵請遣女巫乘傳分禱天下名山大川

為帝祈福

續文獻通考遼聖宗統和四年十月皇太后為帝祭神祈福

禁民祈神

續文獻通考英宗至治二年禁民集衆祈神

禱雨宮中

唐書開元十二年七月河東河北旱

帝親禱雨宮中設壇席暴立

祈晴天竺

宋志紹興二年三月苦雨命往天竺山祈晴即日雨

止

紫宸殿禱雨

唐書文宗開成中以久旱分命羣官徧祠祈禱於紫宸殿對羣臣憂形於

色是夜澍雨大洽

集禧觀祈福

宋志元豐八年以京城火災建醮於集禧觀且為民祈福

有祈以求之

八編類纂方慤曰欲彼之有予也故有祈以求之若詩噫嘻祈穀於上帝載芟

祈社稷之類是也

脩德以應之

宋志紹興四年張浚言四川霖雨地震乞製祝文名山大

川祈禱上曰霖雨地震之災當脩德以應之又可禱乎

聖達皆不禱祠

唐書憲宗謂宰

臣曰禳災祈福之說其可信否李藩曰臣竊觀自古聖達皆不禱祠若使神明無知則安能降福必其有知則

私己求媚君子尚不可悅也況於明神

歷代皆有禋禋

宋史志周官太祝掌六祝之辭

以事鬼神示祈福祥於是歷代皆有禋禋之祠宋因之
有祈有報祈用酒脯醯郊廟社稷或用少牢其報如常
禮或親禱寺觀

祈禱二

增記唐盧頂禱聰明山記曰夫羣山逶迤自西北而茲
鎮秀拔屹臨東夏揖岱宗於遠邑延旭日於高標豁開
廣平千里如砥靈源森麓迴合窈冥禳祈必徵肝嚮如
覩祀典曰山川丘陵能出雲為風雨有功及物曰神諸

侯在其地則祭元和丙戌歲右僕射范陽王總戎之三
年至於茲山齋莊廟庭躬執祀事於是大備控楫畢陳
犧牲神之格思歆我明德君子曰惟精誠通乎神惟聰
明應乎人天地交泰而賢人用神人和叶而茂勲立公
之舉也神之助也不然何年祀未幾而變化神速臻於
是耶

祈禳

原招弭

周禮男巫春招弭以除疾病注弭讀為救安也安凶禍也疏云招福安禍

叙降

周禮

眠祿掌安宅叙降注
次序其凶禍禳移之

翦爪

史記成王病周
公翦爪祈禳

被髮

漢

夫躬為光祿大夫宜陽侯免官歸國未有第宅寄在丘
亭奸人以侯家富夜守之躬邑人賈惠過教躬以祝盜

方以桑東南枝為七畫北斗七星其上躬夜自被髮禱
北斗持七招指祝盜人有上書言躬怨呪詛躬大呼食

頃而磔雞晉禮志歲旦常設葦茭桃梗磔雞於百寺
死磔雞門禳惡氣漢儀用仲夏有桃無雞雞起於

魏青龍元年有司奏春分祠厲用牛魏陳嶠為西部
殃乃詔曰不在祀典其除之

病以牛禱縣詰罪棄市嶠曰磔狗周禮大宗伯以鬴
此孝子也表赦之遷郡太守

鬴辜磔狗供雞雞人掌凡國祭祀面禳鬴供其雞牲
而祭也注鬴宗廟之屬鬴廟以羊門夾室

以雞鄭司農云禳彗左傳齊有彗星齊侯使禳之晏
面禳四面禳也禳彗子曰無益也祇取誣焉天之有

琴以除穢也若德

禳火

又昭公十八年宋衛陳鄭皆火于產使禳火於玄冥回祿

註玄冥水神回祿火神疏云祭水神欲令水抑火祭火神欲令火自止禳其餘災慮更火也

巫贈

周禮男巫冬堂贈無方無算鄭注冬堂贈謂歲終以禮送不祥其行必由堂始無方無算言東西遠近皆可無

常數

難索

方相氏掌蒙熊皮黃金四目玄衣朱裳執戈揚盾率百隸而時儺以索室毆疫

內

祭

女祝掌皇后之內祭祀以時招梗檜禳之事以除疾殃注招讀為亢招善而亢惡去之梗謂梗禦未至也

除災害曰禳檜猶刮去也卻變異曰禳禳攘也

外祭

牧人凡外祭毀事用虋可也注毀謂醢辜侯禳

毆除殃咎之屬

代青災

甸師喪事代王受青災鄭注既殯大祝作禱詞授甸人使以此禱藉田之

神受青災

序祈珥

肆師以歲時序其祭祀及其祈珥注祈當為璣珥當為珥珥者璣禮

珥後殃

之事雜記廟成則畧之是也

同神祇

太祝掌六祈以同鬼神祇注祈嘯也謂有災變則號呼告

神以求福也天神人鬼地祇不和則六屬錯見故以祈禮同之

却變異

詳內祭

子路

請禱

論語子路請禱子曰丘之禱久矣注素行已合於神明

漢文無祈

十四年春詔曰

先王遠施不求其報望祀不求其福今祠官祝釐歸福於朕不為百姓朕甚媿之其令祠官致敬無有所祈

孟博不祭

范滂字孟博坐黨錮繫黃門北寺獄吏謂曰凡坐繫皆祭臯陶滂曰臯陶賢者知滂

無罪將理之於帝有罪祭之何益

真長不禱

劉惔字真長為丹陽尹病篤人為祈禱曰丘之

禱久矣

寧風旱

弭裁兵

遠臯疾

祈福祥

並周禮詳小祝

增北宮

東觀漢紀桓帝立黃帝祠北宮濯龍中

南岳

宋志治平九年十一月以安南

將士疾病者衆遣同知太常禮

辟惡車

唐六典乘黃署有辟惡車

儀院王存詣南岳虔潔致禱

崔豹古今注秦制也挑弓葦矢所以禳祓不祥太

射

卜令一人在車執弓箭平巾擲緋兩襠大口袴

鬼箭

遼史太祖七年面木葉山射鬼箭厭禳

礫雄雞

文獻通考隋制季春晦難礫牲於宮

門及城四門以禳陰氣秋分前一日禳陽氣季冬傍礫大難亦如之選依子冬八隊二時四隊有司預備雄雞

羝羊及酒於宮門為坎未明鼓譟以入將出諸祝師執事預齎牲甸礫之於門酌酒禳祝舉牲并酒埋之

禳怪鳥

柳宗元逐畢方文永州夏多火災相驚云有怪鳥莫實其狀山海經云畢方見則有譌火若今

火者其畢方與遂令邑中圖狀禳而礫之

禳海溢

續文獻通考元泰定四年以鹽官洲海溢命天

師張嗣成

禳天變

續文獻通考元泰定帝以回回陰陽家言天變給鈔二千錠施有道

修醮禳之

行者及免人

繫因以禳之

掌祈禳

元史百官志延廢司掌王宮祈禳之事

掌呪禁

唐六典咒禁博士掌教呪禁

祓除於宮

續文獻通考泰定帝以皇

以呪禁祓除邪魅之為厲者

子生命巫

祓祭於殿

續文獻通考元文宗天歷二年祓祭於太祖幄殿

四

祓除於宮

門禳祝

文獻通考唐制諸州縣讎執事者以酒脯各詣州門及城四門讎者出便酌酒醴於門右禳祝

而止九門磔禳

周禮季春命國難九門磔禳以畢春氣

三月上辰

文獻通考

後漢杜篤曰郭虞三月三日上辰產二女上巳日產一

女二日產三女並不育俗以為大忌至此月巳日諱止

家皆於東流水上為祈禳自潔濯

素秋二七

文獻通考劉楨

謂之禳祀引流行觴遂成曲水

魯都賦素秋二七天漢指隅人胥祓

治平禳禁

文獻通考

禳國子水嬉此用七月十四日也

英宗治平二年三月彗星見
設醮於延福宮建道場祈禳

天禧禳風

文獻通考仁宗天禧四年

大風上遣中使詣宮

禳去垢

文獻通考後漢三月上巳官民皆潔於東

觀建道場以禳之

流水上曰洗濯禳除

禱祠祈豐

文獻通考三月三日清明之節將脩事於

水側禱祠

招魂續魄

文獻通考韓詩曰鄭國之俗三月上巳溱洧之上招魂續魄秉

蘭草祓除不祥

迎神禳惡

文獻通考魏孝文居文明太后喪太尉丕曰魏家故事後三月必迎

神於西禳惡於北具行吉禮自始皇以來未之或改帝曰若能以道事神不迎自至苟失仁義雖迎不來此乃

平日所不當

翻楮代幣

宋呂南公文古人用幣以禮神祇後之罪士假之以請禱

行况居喪乎
禳祈假之不已
則翻楮代焉

以蜀為壇

詳總載一

脩德以禳

石介怪說人君

見一日食一星縮一風雨不調順一草木不生植則能知其為天地之怪也乃避寢減膳撤樂恐懼責已脩德以禳除焉

避位以禳

王禹偁待漏院記六氣不和災青薦至願避位以禳之

厭雷

崇天門

續文獻通考元泰定帝泰定三年脩佛事厭雷於崇天門

崇星司天監

續文

獻通考元仁宗皇慶二年崇星於司天台

祈禳止山川

文獻通考魏祀五郊六宗及厲殃何

晏議月令季春礫禳大讎非所以事皇天也宜止於山川百物而已

厲殃配日月

文獻通考

漢制厲殃祀天地日月星辰四時陰陽之神以贖配之其壇常祀以禳災兼用三代葦茭桃梗五月五日朱索

五色即為門戶飾以讎止惡氣

魏起禳疊之事

文獻通考陳留范宣曰舜有拂卯無礫雞

及魏明帝大修禳祭儀雖特禳疊之事礫雞宜起於魏卯本漢制所以輔卯金又宜魏所除也

宋省

礫禳之禮

文獻通考宋省礫禳之禮郡縣往往猶存

閉坊門以禳水災

唐書

楊再思傳嗣聖中每遇

水沴輒閉坊門以禳

捕妖言而罷厭勝

宋史張詠知益州時

民訛言有白頭老翁食男女者或請厭勝不許緝市中揚言者斬之帖然

齋一

原致德

祭統君子之祭也專致其精明之德也故散齋七日以定之致齋三日以齊之

專念

白虎通齋者言已之意念專一精明也

齋車

玉藻君齋車羔幣虎犢士齋車鹿幣豹犢鄭注幣覆

苓也犢謂緣也君齋車用

齋冠

又云元冠丹組纓諸侯之齋冠也元冠綦

羔羊皮為幣虎皮飾邊也

組纓士之齋冠也

三日齋

禮坊記七日戒三日齋承一人焉以為尸過之者趨

鄭注齋時所服也

走以教

七日散

禮外傳大祀散齋七日致齋三日則十日齋矣

齋五日

漢舊

敬也

儀大祀齋五日

小祀齋三日

齋六日

黃帝問元女兵法六甲將及夫人姓名服色曰其將皆著

青幘小冠帶白綬夫人足皆各象其禽獸足凡欲致神格當於帛上書諸神名如法祭齋事六日見形六十日

一祭合諸神見之

不樂不弔

曲禮齋者不樂不弔鄭注謂哀樂則失政散其思也

定

之齋

詳致德注

齋而學道

鬼谷子周有豪士居鬼谷號為鬼谷先生蘇秦張儀往見

之先生曰吾將為二子陳言至道子其齋戒擇日而學後秦儀齋戒而往

齋以送璧

蘭相如語

秦王曰趙王送璧時齋戒五日今大王亦宜齋戒五日設九賓於庭臣乃敢上璧秦王度之終不可強奪遂許

齋五日舍相

道乃可成

春秋合誠圖黃帝請問太乙長生之道太乙曰齋戒六丁

如廣成傳舍

道乃可成

神光顯著

漢宣帝詔迺者鳳凰甘露降集京師嘉瑞並見齋戒之暮神光顯著上帝

嘉饗海內承福可赦天下

顏回不飲酒

莊子顏回見仲尼將之衛曰奚為曰衛君其年壯其

行獨輕用其國回嘗聞之夫子曰治國去之亂國就之
醫門多疾願以所聞思其則庶幾其國有瘳乎仲尼曰
齋吾將語若回曰回之家貧惟不飲酒茹葷者數月矣
若此則可以為齋乎曰是祭祀之齋非心齋也敢問心
齋曰若一志無聽之以耳而聽之以心無聽之以心而
聽之以氣聽止於耳心止於符氣也者虛而待物者也
惟道集虛虛者心齋也

周澤卧齋宮

續漢書周澤為太常清潔循行盡敬宗廟常臥疾齋

宮其妻哀澤老病闕問所苦澤大怒以妻干犯齋禁遂
收送詔獄謝罪時人為之語曰生世不諧作太常妻一
歲三百六十日三百五十
九日齋一日不齋醉如泥

致齋於內散齋於外

祭義

思其居處思其笑語

祭義

增齋宮

宋史齋宮大內門曰廣裡東偏門曰東秩

西偏門曰西平正東門曰含光正西門曰咸亨西北門曰至順南內大殿門曰厚德東曰左景華西曰右景華

正殿曰厚德便殿曰受福曰坤珍曰道光亭曰承休後又增四角樓為定式

齋殿

宋史祀日自齋

殿服通天冠絳紗袍乘輿至大次

齋郎

唐六典齋郎百十人

齋孃

文獻通考唐中宗親

祀南郊以皇后為亞獻補大臣李嶠等女為齋孃執籩豆

太極殿

唐志諸王來朝類於昊天上帝

前一日皇帝清齋於太極殿

大同殿

孔帖帝齋大同殿力士侍帝曰我不出長安且十年海內

無事朕皆吐納導引以天下事付林甫若何力士對曰天子順動古制也

穆清殿

宋史丁未次奉

高宮戊申齋於穆清殿

迎禧殿

宋史七年正月十五日發京師十九日至奉元宮齋於迎禧殿

朝元殿

宋史自十二月朔齋戒於朝元殿

長春殿

宋史天禧元年正月詔以十五

日行宣讀天書之禮

齋於殿中

續漢書太后與兄車騎將軍鄧騭定策禁

前二日齋於長春殿

中使騭持節以玉清蓋

齋於後殿

唐志皇后歲祀一季春吉己享先蠶

車迎安帝齋於殿中

寓祠齋宮

宋志紹興二十七年禮部太常寺言

遂以親桑散齋三日於後殿致齋一日於正寢

每歲大祀三十六除天地宗廟社稷感生帝九宮貴神

高禘文宣王等已行外其餘並乞寓祠齋宮自紹興以

來大祀所行二十有三

望拜齋宮

宋志凡郊壇值雨雪即齋宮門望祭殿望

拜祭日不設登歌

別殿散齋

唐志皇帝散齋於別殿致齋其二日於太極殿

祀官以公服行事

一日於

內殿宿齋

宋志太廟內十日內殿宿齋

戒百官齋

天官冢宰

曰祀五帝則掌百官之誓戒與其具

率諸將齋

謝承後漢

脩前期十日帥執事而卜日遂戒

書赤眉盆子去長安西入右扶風鄧禹至長安中昆

明池率諸將齋戒擇吉日入城謁高帝廟脩禮祠祭

三七齋禁

月令廣義北俗遇月三七日不食酒肉

朔望齋期

月令廣義近俗多以

朔望致齋者齋一日者常以星出為期

執事皆齋

唐志封禪祭官執事皆齋一日

預

享皆齋

唐志散齋之日內侍率內命婦之吉者使蠶於蠶室諸預享者皆齋

齋制如故

典

蔡邕傳元帝策書曰禮之至敬莫重於祭自今以後齋制宜如故典

齋心於宿設

杜甫

南郊賦天子蒼然見於無形淡然若有所聽又齋心於宿設將盥食靡寧

齋戒得決罰

柳宗

元監察御史廳壁記凡供祠之吏雖當齋戒得以決罰由是禮與敬無不足者

齋祭為政事

八編類纂蘇軾曰古者天子出入儀物不繁兵衛甚簡用財有節惟以齋祭禮樂為政事

齋戒之

別有三

唐禮樂志凡祭祀之節有六二曰齋戒其別有三曰散齋曰致齋曰清齋大祀散齋四日致齋

三日中祀散齋三日致齋二日小祀散齋二日致齋一日

大祀前期七日

唐志太尉誓百

官於尚書省曰某日祀某神祇於某所各揚其職不供其事國有常刑於是乃齋

齋二

原明衣

齊必有明衣布白帖注沐浴衣也

盛服

齊明盛服所以脩身也白帖注明潔也

拜將

白帖漢高祖擇日齋戒設壇具禮拜韓信為大將軍

授師

左傳楚武王荆尸授師子

馬以伐隨將齋入告夫人鄧曼曰余心蕩白帖蕩動散也

變食

齊必變食

遷坐

居必遷坐

恭默

書恭默思道

誠信

禮必誠必信

交神明

禮定之之謂齊齋者精明

之至也然後可以交神明也

事鬼神

禮齋戒以事鬼神白帖注恐人之不敬也

思志

意

祭義齋之日思其志意思其所樂思其所嗜

訖嗜慾

祭統齋之為言齊也齊不齊以致齊

者也是故君子非有大故非有恭敬也則不齋不齋則於物無防也嗜慾無止也及其將齋也防其邪物訖其嗜慾耳不聽樂故記曰齋者不樂言不敢散其志也心不苟慮必依於道手足不苟動必依於禮

子

所慎

子之所慎齋戰疾

顯不敬

漢酈吉子顯為諸曹常從祀宗廟至夕牲日乃使出取齋

衣吉恐謂夫人曰祭重事顯不敬亡我爵必顯

增季女

詩誰其尸之有齊季女

夫人

禮記祭統君致齋於外夫人致齋於內然後會於太廟

攝心

唐書貞元九年冬德宗以是歲有年

璽夷朝會因告郊廟及將散齋謂宰臣曰在禮散齋歸正寢攝心奉祭不可聞外事其常務弗奏乃齋於別殿及命皇太子諸王行祭皆受誓一日

斷哭

文獻通考致齋日宜去廟二百步斷哭

晝居

檀弓非致齋也非疾也不晝居於內

外寢

禮記玉藻將適公所宿齋戒居外寢

六節

唐志

祭祀之節有六二曰齋戒

五福

月令廣義藏經一日持齋有六十萬歲糧又曰一日持齋有六十萬歲糧

洗心

易繫辭聖人以此齋戒註洗心曰齋

受諫

禮王制天子齋戒受諫冢宰齋戒受質

進銅人

八編類纂上行祈穀禮於南郊大饗殿前四日太常卿公服奏齋戒進銅人齋牌於文華

殿

用青布

合璧事類高宗紹興十三年所有宿齋望祭殿只隨宜絞縛用蘆席青布之類

薦香燭

唐六典太常少卿帥太祝齋郎薦香燭整拂神幄出入神主

隨設盥洗

續文獻通考金文宗至順元年親祀儀注凡與祭執事
齋郎於饌殿齋班廳前及齋宿所隨宜設置盥洗數處
俱用鍋釜溫水置盆杓
中悅必盥洗然後行事
前齋一日
唐志前致齋一日尚舍奉御設御幄

於太極殿西序及室內皆東
向舍直長張幄於前楹下

致齋之日

又致齋之日質明侍中版

奏請中嚴通事舍人引文武五品已上袴褶陪位諸侍
臣齋者詣閣奉迎侍中版奏外辦皇帝服袞冕出自西
房侍中前跪奏請就
齋室皇帝降坐入室
栗然歆然
劉禹錫令狐先廟碑

既齋盡志
歆然永思

蒼然澹然

見齋心於宿設條

尚儀跪奏

唐志皇后歲祀

致齋之日晝漏上水一
刻尚儀版奏請中嚴

尚儀跪奏

唐志皇后服鈿釵禮衣結珮乘輿出

自西房華蓋警蹕皇后即御坐六尚以下侍衛一頃刻
尚儀前跪奏稱尚儀妾姓言請降就齋室皇后降坐乘

與入室

治事如故

文獻通考唐制散齋七日治事如故宿於正寢不弔喪問疾作樂判書刑

殺文書決罰罪人及與穢惡致齋三日二日於本司惟享事得行其餘悉禁前享一日質明俱赴祠所齋宮官

給酒饌享官已齋

視事如故

文獻通考朝獻前一日皇帝齋於內殿御崇政

而缺者通攝行事

殿視事如故其行事前導官齋於本司治事如故

儀鑾陳設

金史志前祀五日儀鑾尚舍陳

設齋

尚書誓戒

唐六典注齋官皆於散齋日平明集尚書省受誓戒

十五日

始

應劭封禪儀記十二日宿奉高十五日始齋

初一日始

八編類纂春祠每歲孟春自初

一日齋

一月十齋

月令廣義九國志吳初朝中大臣多蔬食月為十齋齋之明日大官

戒為始

一月六齋

月令廣義墮舍伽經一月六日齋奉持八戒又曰天

具晚膳始復常

王經月
六日齋

進輦齋殿

文獻通考宋宗廟皇帝散齋七日
於別殿致齋三日於齋殿至行禮

日自齋殿詣太廟餘如郊祀
儀注又云有司進輦於齋殿

揭扁齋宮

元文類吳澂
文在平梁潤

之作亭墓間朝之文人為扁曰致愬京兆蕭
君為祠堂於所居揭斯扁於齋宮庶乎其可

惠照院

望祭

玉海乾道五年林栗等言歲祀上帝者四春祈夏
雩秋饗冬報其二在南郊圓壇其二在城南惠照

院望祭

太極殿宿齋

文獻通考仁宗嘉祐元年正月
設醮於太極殿輔臣宿齋於殿

齋宮

庶命近臣分詣
寺觀宿齋一月

齋三

原詩宋謝莊烝齋應詔詩曰霜露凝宸感肅僊動天引

西郊滅湮弇東溟起昭晉舞風泛龍常輪霞浮玉輶紫

階協笙鏞金途展應輦方見六詩和永聞九德潤觀生

識幸渥睇服慙輶恪
增明倪岳齋宮候駕詩曰銀河

如壁護重關翠輦初臨大祀壇映日牙旗環禁旅連宮

甲騎擁祠官風雲已覺爭春麗雨雪先驚入夜寒禮罷

天門重輦佩歡騰萬國正廻鑾
文徵明翰林齋宿詩

曰春星爛熳燭微垣獨擁青綾向夜闌宮漏隔花銀箭

永蓮燈垂燼玉堂寒坐聆宵柝霜圍屋想見郊禋月滿

壇鈴索無風塵土遠始知仙署逼金鑾 邊貢郊齋有

作呈北寺舊僚長詩曰石城鐘鼓散鳴鴉坐對松雲放
早衙瑤草色通西苑路玉簫聲度上清家江涵碧殿春
同麗雪霽鍾山日轉華此景北都應未有品題遙向故
人誇 于慎行冬至齋居詩曰緹室灰飛晷欲長清齋
仙館坐焚香雪殘樓閣虛瓊樹月出簪裾滿玉堂筆望
五雲迎舜日心隨一線入堯裳明朝負素趨陪地只在
瑤壇帝座旁

沐

原彈冠

楚辭新沐者必彈冠

握髮

白帖周公下白屋之士一沐三握髮後世稱其聖

心覆

左傳晉侯之豎頭須求見公公辭焉以沐謂僕人曰沐則心覆心覆則圖反宜吾不得見也

髮晞

禮髮晞用象櫛晞乾也

潘沐

傳曰遺之潘沐潘米汁可沐也

膏沐

詩豈無膏

沐誰適

沐稷

禮沐稷而饋梁櫛用櫛櫛髮晞用象櫛進機進羞工乃升歌注進機作樂以盈

氣也

沐創

居喪之禮頭有創則沐

先沐

君子齋戒必先沐浴

將沐

傳叔武將

沐聞公至喜捉髮走出前驅射而殺

增歸沐

小雅予髮曲局

薄言

出沐

漢律吏五日得一出沐

蓄蘭

月令廣義今之澤蘭名猷草香可辟邪亦

入藥大戴禮五日當為沐浴

煎杞

養生雜纂云正月一日二月二日以至十二月十二日皆用杞

葉煎湯沐浴令人

湯盤

湯之盤銘曰苟日新日日新又日新

周邑

禮記

光澤百病不生

方伯為朝天子皆有湯沐之

猶沐

韓非子六反篇諺曰為政猶沐也雖

邑於天子之縣內視元士

有棄髮必為之愛愛棄髮之費而忘長髮之利不知權者也

宜沐

雲笈七籤二月初八宜沐浴拔

白髮遇沐

孔帖遇休沐往往馳召字文士及

辭沐

五代史趙鳳傳于嶠因被酒往見鳳

鳳知其必不遜辭以沐浴

掌嚴

唐六典皇太子官屬掌嚴掌飾衣服巾櫛膏沐服玩仗衛

解

穢

唐書高駢傳客至先遣薰濯詣方士祓除謂之解穢少選即引去

結荷

李白詩提攜朱鉛客

結荷水邊沐

佩玉

檀弓石駘仲卒無適子有庶子六人卜所以為後者曰沐浴佩玉則兆

澤髮

韓愈夜會聯句
澤髮解兜鍪

彈冠

李白詩沐芳莫彈
冠浴蘭莫振衣

原沐

咸池

楚辭與汝沐兮咸池
晞汝髮兮陽之阿

濯陽谷

楚辭朝濯
髮於陽谷

增時

休沐出

漢書霍光傳
光時休沐出

休沐不出

漢書宮門有禁非侍
衛之臣不敢入董賢

幸於上雖
休沐不出

祀日沐浴

宋史次奉高宮齋於清穆殿諸
升山者官給衣令祀日沐浴服

之

祀前沐浴

孔帖大祀中祀接神齋
官祀前一日皆沐浴

櫛沐祇事

宋史

奉天書於神坐之左次以太祖
太宗配侑櫛沐祇事用致其恭

齋沐為詩

石田集元
文宗賜馬

祖常御書奎章閣記祖常
齋沐為四言詩以贊於後

三沐三薰

韓愈答呂鑒山
人書方將坐足

下三沐而
三薰之

再塗再澡

孔帖南詔環王以麝
塗身日再塗再澡

未嘗櫛

沐

孔帖陳利貞守襄城
七十日未嘗櫛沐

自為櫛沐

孔帖梁太祖母生
三子其次太祖后

少寡攜三子傭食蕭縣人劉崇家

不洗頭面

嵇康與
山巨源

母時自為櫛沐曰朱三非常人也

動逾歲時

柳宗元
答許京

絕交書性復嬾筋駕肉緩頭面常
十五日不洗不大悶痒則不沐也

兆孟容書洗沐
盥漱動逾歲時

鄭莊置驛馬

史記鄭當時傳莊為太
子舍人五日一休沐常

置驛馬長安諸

石建浣中裙

史記石建為郎中令每
五日洗沐歸謁親入子

郊請謝賓客

舍竊問侍者取親中

山郎輒償沐

漢書楊惲傳郎官
故事令郎出錢市

裙廁踰身自浣滌

財用給文書乃得出名曰山郎移病盡一日輒償一沐
或至歲餘不得沐惲為中郎將罷山郎其疾病休謁洗

沐皆以法

令從事

宰相不休沐

李德裕傳元和後數
用兵宰相不休沐

浴一附

原振衣

楚辭新浴者必振衣

進飲

玉藻浴用二巾上絺下綌出

飲注進飲

請醕

內則子事父母五日則燂湯請浴三

亦盈氣也

去垢

史記浴不必江海要之去垢

羸浴

左傳重耳及曹曹共公聞

湯請洗注

其駢脅句欲觀句其

溲浴

禮內外不共溲浴注浴室也

增乾浴

羸浴句薄而觀之

詩注海南無浴

裸浴

集仙傳張開光常與母及弟出遊留姬守舍有道士疥癬被體

器故常乾浴

直入裸浴酒甕中姬不能拒遊者歸渴甚亟就盥

浴

中飲姬不敢白居數日開光與母及弟拔宅而去

池

左傳文十八年懿公遊於申池二人酌歆顏職也

浴溪

元風慶會圖文長春

真人浴於東溪越二日天大雷風太液池岸北水入東

湖聲聞數里魚鼈盡去池遂涸而北口高岸亦崩真人

嘆曰山其摧乎池其涸乎吾將與之俱乎遂卒

更衣

焦氏類林米芾晚年學禪有得卒前七日更衣

沐浴及期徧請羣僚舉笏曰衆香國中來衆香國中去擲笏合掌而逝

灌頂

高僧傳四月初八浴

佛以都梁香為青色水鬱金香為赤色水丘降香為白色水附子香為黃色水安息香為黑色水灌佛頂

夜浴

月令廣義賢者夜浴不改容

晚浴

東坡詞槐陰轉午晚涼新浴

釁浴

周禮

女巫巫掌歲時祓除釁浴注釁浴謂以香薰草藥沐浴

釁浴

國語比至三釁三浴之

浴日

柳文今夫大海旦則浴日而西之夜則浴列星含太陰

浴月

古浴牒辭祝融司方發其英沐日浴

月百寶生

浴床

白居易詩平石為浴床鶴石為浴斛

浴室

續文獻通考親祀時享儀嘉靖

二年揮旋枕簟篋笥

皂浴

淮南子皂浴猿攬是養形之神也

蠶浴

帷幔浴室皆如生存

癸辛雜志蠶為龍精月值大火則浴蠶種今人以鹽水

沃其種謂之淹蠶其蠶為上不浴者為火蠶次之蠶足

於葉三俯起二十七日

原浴蘭湯

楚辭曰浴蘭湯兮沐芳

履

而老則紅故曰紅蠶

蒯席

詳進飲條

浴乎沂

風乎舞雩詠而歸

浴同川

北狄男女同川而浴

增給香粉

月令廣義唐高宗時凡天子享會冬幸新豐厯白鹿觀上驥山賜浴湯池給香粉蘭澤

傳香粉

月令廣義養生論夏用五枝湯常洗浴訖以香粉傅身能祛瘴癘毒疎風氣滋血脉

浴殿關

元稹詩未勘行臺契先排浴殿關按稹承旨廳壁記乘車奉郊廟則承旨得廢馬自浴殿

由內朝以從內朝者紫宸殿也唐學士多對浴堂殿

又浴堂門浴堂院浴堂北廊見會要唐書列傳

浴堂巷

歐陽脩歸田錄魯宗道為諭德其居在宋門俗謂之浴堂巷有酒肆在其側號仁和酒有名於

京師

浴咸池

淮南子日出湯谷浴於咸池拂於扶桑

浴甘泉

山海經羲和浴日於

甘泉

浴佛會

遵生八牋杭城四月八日諸寺院各有浴佛會僧尼俱以小盆貯銅像浸以糖果香

水覆以花棚鏡鼓郊迎徧往邸第富室以小杓澆灌佛像求施利

浴佛水

夢華錄四月八日京

師於大禪院各有浴佛會煎香藥糖水相遺名曰浴佛水

原鵠不日浴

而自

齋

心先浴

詳沐

增不肯就浴

後周張元六歲其祖將元就井浴元固不肯曰不能褻露

其形於白日之下祖異之

不好盥浴

後漢劉寬傳寬性簡畧不好盥浴

浴二

增詩唐蔡希周奉和扈從溫泉宮承恩賜浴詩曰天行
雲從指驪宮浴日餘波錫詔同彩殿氤氲擁香溜紗窗
宛轉閉和風來將蘭氣衝皇澤去引星文捧碧空自憐
遇坎便能止願托仙槎路未通

御定淵鑑類函卷一百六十三

謹案一百六十二第十一頁前五行烏爾古舊作
烏孤 又六行阿勒坦音德爾舊作阿里典壓
得斯 又七行呼穆蘇舊作胡母思 又八行
伊德實舊作業得思今並改後倣此

欽定四庫全書



謹考卷一丁六十二第十五頁後二行祠睢上刊

本睢訛睢據史記改

卷一百六十三第四頁前四行醴醢以獻刊本醢

訛餞今改

第七頁前五行立煬宮刊本宮訛公據左傳改

欽定四庫全書





總校官庶吉士 臣 張能照

校對官檢討 臣 王福清

謄錄監生 臣 閻學澄

財團法人
佛陀教育基金會
釋淨空
敬贈

